



C40-4514

了翁一座請大藏及有  
家書置之杭州紫雲山  
我微笑塔院庭府中未  
為學者不敢許出院內  
富山二世鐵牛機譯訖



B 64853

普曜經目錄

卷一

論降神品第一

說法門品第二

所現象形品第三

卷二

降神處胎品第四

欲生時三十二瑞應品第五

卷三

入天寺品第六

0 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

現書品第七

坐樹下觀犁品第八

王爲太子求妃品第九

試藝品第十

卷四

四出觀品第十一

出家品第十二

告車匿被馬品第十三

卷五

異學三部品第十四

六年勤苦行品第十五

迦林龍品第十六

卷六

召魔品第十七

降魔品第十八

行道禪思品第十九

諸天賀佛成道品第二十

卷七

觀樹品第二十一

四天王上鉢品第二十二

0 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

梵天勸助說法品第二十三

化五人轉法輪品第二十四

十八變品第二十五

卷八

佛至摩竭國品第二十六

化舍利弗目連品第二十七

優陀耶品第二十八

歎佛品第二十九

囑累品第三十

普曜經卷第一

西晉三藏法師竺法護譯

論降神品第一

聞如是一時佛在舍衛國祇樹給孤獨園與大比丘衆萬一千菩薩三萬二千一切大聖神智已暢一生補處當成正覺損已布施持戒清和忍辱調意精進一心智慧善權所度無極解一切法如幻野馬影響芭蕉化夢月影悉無所有有利無利若譽若謗若苦若樂得名失稱已過世間諸所有法神通自娛逮致總持獨步三界猶如日光及諸菩薩備悉之願周旋

五趣救濟危厄分別辯才定意無礙皆以由已咸成  
法忍悉得具足諸菩薩住住無所住度脫十方其名  
曰慈氏菩薩總豪王菩薩師子英菩薩吉義意菩薩  
寂意行菩薩分別辯才菩薩逮無所畏菩薩進寂菩  
薩大哀菩薩如是上首菩薩三萬二千爾時世尊遊  
舍衛城國王大臣豪尊長者凡庶萬民咸共供養衣  
被飯食牀褥臥具病瘦醫藥一切所安其妙名稱普  
聞十方是爲如來至眞等正覺明行成爲善逝世間  
解無上士道法御天人師爲佛世尊敷演道義上中  
下善義達微妙所興清徹淨修梵行於時其夜淨居  
天子名寂然尊及神妙天歡樂天加歡天栴檀天大  
悅天憺然天尊寂律天及餘無數淨居天子威神巍  
巍各有光明普照祇樹往詣佛所稽首足下遷住一  
面是諸天子前白佛言曾聞有經號名普曜大方等  
典分別菩薩衆德之本從兜術天降神母胎在於胎  
中娛樂開化顯示殊特復現出生皆爲一切立諸法  
行在宮姝女愛欲之間顯諸藝術現行學書計校書  
筭醫藥療治射御手博要普擲象示現道力越諸羣  
生具足成就諸菩薩行往來周旋果實超殊名稱流  
布以菩薩力而自娛樂降伏魔場具足如來十力無

01234567892012345678921012345678922

畏頌宣諸佛無量經典敷演過去如來至真所講說法往昔道義猶若世尊蓮華上佛法英佛綻光佛德英佛法造佛仙天佛諦英佛習金剛佛衆尊佛雪像佛樂清淨佛出家樂行佛華英佛勝顏佛善明佛善曜仙勲佛勝輪佛欣樂佛天華佛輪吉祥佛善首佛善喜佛住覺佛住施佛住諦法普稱佛是世善妙佛普辯稱佛寶稱佛威強佛梵神佛無畏善化佛善音佛自悅佛積德佛音雨佛妙顏佛壽神佛與人遊佛羨求佛降怨佛供養佛惟衛佛唯式佛隨葉佛拘留秦佛拘那鉢半尼佛迦葉佛如來至真等正覺道決所化自昔迄今善哉世尊愍哀一切今亦頌宣如是法訓多所哀念多所安隱普護世間及十方人爲諸大乘唯分別之降伏一切外學衆邪攝化衆魔宣布菩薩諸所行義現諸菩薩行大乘者咸超精進將護正法三寶自在令不斷絕具足佛身盡現十方時佛默然可諸天子所啓白意欲令一切普蒙其恩時諸天子見佛默然聽啓白意欣然大悅稽首足下達佛三市以天心華供養散佛忽然不現還歸天上於是世尊明日與諸菩薩及諸聲聞眷屬圍遶會迦梨講堂告諸比丘昨夜半時淨居天子及諸眷屬來禮我

足叉手白言願爲一切重演普曜大方等典令諸羣  
生普蒙其恩吾時默然可其所啓時天子等歡喜踊  
躍忽然不現各還天上於是衆會聞此欣悅前白佛  
言唯天中天重發斯問爾時世尊告諸菩薩及諸聲  
聞諦聽諦聽善思念之當爲汝說無極訓誨一切如  
來所可宣暢普濟衆生何謂比丘普曜經典大方等  
法於斯菩薩住兜術天咸見奉敬逮得無餘阿惟顏  
住百千天人所共咨嗟名徹十方諸願普具曉了一  
切諸佛法藏清淨無垢聖智道眼意念定智往來周  
旋聖性堅強耻衆未度其念弘普亘然極遠布施戒  
忍精進一心智慧淵深大權方便所度無極大慈大  
哀喜護四等弘暢梵迹無極神通三達無礙示現聖  
慧永無闇蔽道業純淑意止意斷神足根力覺意道  
業寂然止觀普備一切諸佛道品達致本際功勲福  
祚不可限量成就相好莊嚴其體在彼久長常得自  
在仁和無諍言行相應其心所懷口言無二斯意質  
直而無諛詔怨結他念常自謙損而不自大等心衆  
生未曾偏黨供養無數百千載佛爲衆重任恒忍災  
患觀見無量諸菩薩衆覩其根本梵釋四王大神妙  
天天龍鬼神閱又捷陀羅見莫不悅咨受訓誨分別

一切章句本末已逮無爲入於有爲隨時方便而開化之心念法器識解一切諸佛所宣無有憒亂而不迴還逮得總持深入法藏乘大法船遊十二海接度諸流三十有七道品之教合集法寶深奧智慧爲大導師越度四瀆諸願具足降伏魔怨善救外業諸異邪徑開化一切所住堅固雖在塵勞皆來歸命爲衆導首強若金剛行無益哀志性和安積精進力爲法優與善權方便在於衆中雄如師子定意之業不可限載猶如蓮華處汙無垢禁戒博聞而無放逸慈於十方無有害心如水清澄而無所著超世八法心如大寶所度無極福祚聖慧積功累德道藏鮮明佛之智慧恢闡法城消衆患難善開悟之以四神足度於彼岸志三脫門顯其寂觀清淨光耀一心脫門處在閑室如山曠野遊法叢樹行具足戒十力無畏未曾怯弱已度生死無復疑難衣毛不堅越於無數在外異學猶如師子道於麋鹿捨諸放逸無吾我意設有所暢爲師子吼人中之雄解脫禪定智慧道場放大光明照諸暗冥悉蒙道明衆邪異學譬如螢火無益於世愚顛幽昧曜蔽塞心興大道力精進之業宣功德行威神巍巍除黑冥品具足清白見莫不歡諸佛

1 2 3 4 5 6 7 8 9 210

1 2 3 4 5 6 7 8 9 210

1 2 3 4 5 6 7 8 9 210

國土無所呈礙拔諸窮厄蕩滌垢穢脫門一心覺意  
 清涼曉了聖明禪思清白以開化之其四部衆諸天  
 人民行七覺意積累道寶齊心衆生應病與藥志不  
 懷惡行十善業以是財富奉持具足不違法王所行  
 素勝而轉寶輪轉輪王種成就一切深遠難限一切  
 法寶博聞無厭慧普無極爾時所興不可限量無能  
 爲喻猶如江海所總持慧如地水火風其心平等堅  
 强無動如須彌山消諸結著猶如日光以離諸垢心  
 若虛空在大宮殿安處其中諸牀坐具二萬二千門  
 三軒窓講堂棚閣校飾嚴整豎衆幢蓋交露精舍布  
 散衆華青蓮芙蓉諸玉女衆有億百千俱作妓樂及  
 雜衆華不可稱限諸寶樹木次第行列其地清淨平  
 正無邪香熏普流飛鳥鳧鴈哀鸞異類無數億衆遊  
 戲浴池暢和雅音現在觀覩聞大法聲消除一切塵  
 欲之難攝諸疲厭自大貢高其心歡悅思念恢弘由  
 是成就大無極法演出訓誨八萬四千妓樂妙音是  
 爲菩薩宿世積德自然宣出此微妙偈

積功累德行  宣布具足音  其心普思道  
 造智慧光明  備無量力勢  棄捐諸所有  
 分別決衆疑  諸天之本末  意清淨無垢

無雜衆瑕穢棄捐于三毒寂滅瞋恚恨  
鮮潔消衆垢其心如明珠從往古以來  
常好喜布施音響從種姓戒寂行調和  
精進禪智慧遵習億載法音暢無數稱  
宣說億載佛愍傷於衆生且觀今是時  
曉了知終始老死之塵垢觀察其本行  
天龍諸鬼神樂百千億劫聽之無厭倦  
善智慧無懈充飽救飢渴卿等雖所慕  
樂法不好欲性已無垢穢愍傷天世人  
億那術載天聽法心不廢若慕於歌頌  
觀諸地獄難其目淨無垢見十方諸佛  
已聞得此法斯經世所尊宿世種妙德  
處兜術天宮宜加大慈哀愍悅雨天下  
已越於欲界及色界億載咸共慕樂聖  
無上吉祥佛降伏衆魔業消化諸異學  
佛道如觀掌且察今是時世塵勞興盛  
宜布諸法雲精進雨甘露消滅天人垢  
尊醫曉諸種授藥逮療治應示三脫門  
速立無爲安譬如師子吼諸小蟲怖悚  
暢佛師子吼降伏外異學手執明誓鎧

過伏精進力 總持近目前 勝降伏衆魔  
 四天王遙察 欲貢上尊鉢 億載天帝梵  
 始生往奉敬 觀覩尊音稱 寶種諸豪姓  
 見人尊所處 行菩薩之道 其來在三有  
 明寶在所勝 無垢如摩尼 興雲雨天下  
 諸妓樂之聲 演出若干音 勸助愍哀意  
 觀察今是時

於是佛告諸比丘于時菩薩省諸妓樂宣法音時出  
 大宮殿有大講堂號演施法升彼講堂坐師子牀共  
 諸天子學大乘業行等慈者亦復俱升此大講堂各  
 從本位次第而坐捨玉女衆及諸天子咸從同學各  
 來集會諸眷屬衆各六十六億咸共講議當使菩薩  
 現生何種或有說言此維提種摩竭國土最爲興盛  
 今菩薩者應在彼土降神母胎或有說言菩薩不應  
 生彼國土所以者何維提種者母姓真正其父不真  
 種姓卒暴而不安詳無可貪樂其種鮮德福不具足  
 土地國邑無好浴池苑囿之觀既處邊境不宜生彼  
 或有議言拘薩大國其種弘廣眷屬興盛菩薩應下  
 降神彼國或有報言菩薩不應所以然者拘薩本從  
 摩騰種來生彼國父母宗族皆不真正下劣小姓非

是天師所可慕樂福祿鮮薄卑鄙之土性行不和無有琦珍殊異之寶餚饌之供可以奉聖園觀浴池亦復簡少既是邊域不宜屈尊或有說言和沙大國國王右姓人民熾盛五穀豐登菩薩應當降神彼國或復報言菩薩不應所以然者其彼國王雜合小姓非是高德土無威神受他節度來成此國父母不真不得自在以是之故不應生彼或復說言此維耶離無極大城人民滋茂安隱豐熟快樂無難軒窓門戶彌文棚閣嚴飾巍巍浴池園觀男女周旋遊戲其中人民居宅儼然整齊菩薩應下降神彼土或復報言不宜現彼所以然者彼土民衆喜諍不和無清淨行有外無內不修道法不別尊卑各自謂尊獨言隻步不能下意不順法教不服高德以是之故不可屈尊或復說言此鎩樹國種姓豪強事業無極行衆元首所習第一菩薩應下降神彼國或復報言是亦不應所以然者其土凶逆舉動虛妄志性麤獷剛強難化形笑輕人自大由已不修事業以是之故不應生彼其諸菩薩及諸天子各各共議觀察天下諸大國土諸王大姓豪尊重位皆觀察之悉不可意爾時會中有一天子名曰幢英行菩薩道逮不退轉暢達大乘告

諸菩薩及衆天子諸賢者等可共俱往問於菩薩何  
所種姓最後究竟一生補處應往降神處於胞胎愈  
共又手詣菩薩所而前諮問唯願正士究竟菩薩一  
生補處所可降神種姓何類功勲云何菩薩報曰其  
國種姓有六十德一生補處乃應降神何謂六十一  
國土寬博種姓寂靜二衆所宗仰三不生雜姓四所  
生微妙五種姓真正六應男女行七志操堅強八本  
末丈夫九遵習上業十其行堅要一作人慚怕二衆  
所羨樂三意行勇猛四所在尊豪五志行無極六女  
行清白七男子無限八所生無畏九無有慳嫉十二智  
慧明達一有藝多術二棄捐惡趣三飲食恣意四逮  
得自在五善友興盛六雖在蟲獸無所妨害七種姓  
溫良八慕修道德九而無貪欲十無有瞋恚一不懷  
愚冥二在樂無懶三相好弘普四所造篤信五好樂  
布施六出家堅固七力勢超異八所遊殊勝九人莫  
不敬十四諸天奉之一鬼神承事二餓鬼歸仰三無有  
怨結四名聞十方五種類第一六性行自在七其眷  
屬強八無亂伴黨九羣類無上十五孝順父母一敬沙  
門梵志二財業饒富三多寶穀藏四豐於七珍五象  
馬熾盛六獨步由已七奴客僮使甚多無數八利義

如意無能勝者九仁慈普覆是爲六十時諸菩薩及  
諸天子聞是六十種姓清淨欣然大悅乃知殊特前  
白菩薩何所種姓功勳巍巍具足如此菩薩報曰今  
此釋種熾盛五穀豐熟安隱平賦快樂無極人民滋  
茂植衆德本迦維羅衛衆人和順上下相承心念反  
復將護情態積三帑藏捨衆殃疊棄衆邪見一切諸  
釋渴仰一乘奉敬尊長居士大臣眷屬和穆色像第  
一其白淨玉性行仁賢夫人潔妙姿性溫良仁慈博  
愛容色難倫心無傾移無有子姓厭於世俗不倦道  
訓猶天玉女覩莫不歡無女人態言語至誠初無龐  
擴除棄恚恨不傳彼此好樂布施禁戒無漏敬重夫  
主知時止足不懷異心常吉祥定髮紺青色顏貌熙  
怡言先意至仁和其性體行質直而無諛諂常懷慚  
愧性重不輕三垢薄鮮忍辱第一手足柔軟猶如蓮  
華護身口意強如金剛若玉女寶德本清淨前五百  
世爲菩薩母釋種飢虛宿夜望待應往降神受彼胞  
胎於是頌曰

清淨人意法 處法師子座 自然天圍達

此菩薩憺怕 普處講堂議 何種至賢良

菩薩應降神 父母淳真正 普觀於天下

0123456789 210 123456789 210 123456789 210

君子王大姓 咸共意思惟 釋種淨無瑕  
白淨王最勝 帝主中殊特 炫盛豐無疵  
恭恪常行法 一切皆歸仰 慕釋淳和  
嚴講堂園觀 應降神迦維 咸成大勢力  
象力三十二 學術度無極 没身無所害  
白淨捨自大 三千界第一 意樂似天帝  
后名曰潔妙 端正天玉女 形體最清淨  
諸天人覩之 正觀無厭倦 無瑕如琦珍  
質直言柔軟 安隱無麌諍 面悅顏不變  
行法懷慚愧 離慢不輕舉 所聽無諛詭

常慈好布施 淨邪行十善 身口意常諦  
以度女人態 未曾有缺漏 不慕世俗榮  
龍宮及世間 無倫可殊者 應宜懷大聖  
宿本五百世 恒爲菩薩母 白淨應爲父  
彼應降神德 善見勤修行 所奉常遵法  
恒與清白俱 三十二無欲 所在國進止  
臥寐及經行 普照其處所 淨光滅衆罪  
雖處天神人 無敢有欲心 見無威儀行  
視之如母子 妙后發淨業 生長國王宮  
既尊無所越 名稱咸普流 如王后應器

1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

經

尊人耀最上 應往彼義土 我宜往降神  
 天下無餘人 能懷尊聖者 唯妙后應德  
 乃能堪任受 諸天咨大聖 菩薩清淨智  
 亦歎王后勲 應往生釋種

說法門品第二

佛告比丘揀選菩薩所降神土其兜術天有大天宮名曰高幢廣長二千五百六十里菩薩常坐爲諸天人敷演經典於時菩薩適升斯宮普告諸天有經典名療治衆疫終始之患最後究竟上大高座頒宣正真令諸法會聽斯訓誨時諸菩薩及諸玉女咸曰當聽于時菩薩觀四方域化作高座如四天下現若干品諸好琦妙莊嚴文飾悅一切心其座嚴好過欲色界所有牀榻皆是菩薩宿德使然并師子座無央數寶而合莊校極妙天衣以敷其上無量香熏而以熏之燒諸雜香散衆名華百千明珠自然奮光嚴交露帳其交露帳出妙音聲斯大光明徧照十方豎諸幢蓋周帀垂布明珠繪綵百千玉女須臾皆集無數牀榻亦自然至億千功勲普亦現矣無數釋梵皆來稽首護衛菩薩從無數劫積累功德億百千載諸度無極功德所致十方諸佛皆遙念之菩薩適坐告諸天

人及大會衆諸賢者等觀此東西南北四維上下十  
 方世界諸兜術天一生補處咸欲降神無數百千諸  
 天大衆眷屬圍遶而侍從之皆令覩焉僉爲頒宣法  
 曜道門菩薩威神之所建立使諸天衆覩於十方遙  
 稽首禮各以香華供養補處臨成佛者五體歸命稱  
 揚大音讚言善哉菩薩之德不可思議令我等身一  
 時目覩無量菩薩於時菩薩告諸天衆仁等善聽何  
 故名曰法曜道門皆曰不及唯分別之法曜道門有  
 百八事臨欲降神爲諸天說何謂百八至誠法門性  
 行成就無所破壞妙喜法門悅非時心欣樂法門成  
 就篤信愛敬法門心自然淨護身法門淨於三事護  
 口法門不毀四善護意法門棄嫉恚癡念佛法門見  
 十方佛念法法門覩法清淨念衆法門輒入寂滅念  
 施法門威神普至念戒法門具足所願念天法門令  
 心清淨慈心法門化之立德悲心法門第一無害歡  
 喜法門不毀他人其護法門穢厭愛欲非常法門能  
 越欲色無色觀苦法門除斷所願觀無我法門無所  
 倚著觀音法門消不真正觀慚法門除滅內行觀耻  
 法門寂消內行觀誠法門不欺天人觀實法門不親  
 已身觀行法門導御法行觀三寶法門淨滅三塗觀

了達法門不失德本觀作法門不輕他人觀解已法  
 門不自毀身觀曉人法門不非他人分別法門奉行  
 道法知時法門終不虛妄棄自大法門具足聖慧捨  
 害法門不慢彼我棄結法門無有猶豫好樂法門不  
 懷狐疑不淨法門棄貪欲想無諍法門斷鬭訟意無  
 虛法門度無中傷法義法門決了諸義樂法法門逮  
 法光明求聞法門靜觀諸法應正法門奉行平等斷  
 名色法門度諸罣礙厭寶法門成立慧解捨著法門  
 不倚名稱暢陰法門別諸惡行身意法門其體宴靜  
 念通法門拔諸痛癢心趣法門觀心如幻意止法門  
 慧照衆冥意斷法門捨不善本神足法門身心輕便  
 信根法門不願他人進根法門善擇慧明意根法門  
 善造道業定意法門捨不善本神足法門現成明哲  
 信力法門越魔威勢進力法門而不廻還意力法門  
 未曾忘捨定力法門滅衆妄想智力法門周旋往來  
 意覺法門解真諦法覺意法門普曜諸法進覺法門  
 積行佛道喜覺法門修平等行信覺法門所作已辦  
 定覺意法門暢諸法行護覺法門度諸所生正見法  
 門好樂入寂正念法門棄若干想正言法門曉了一  
 切諸有音聲猶如呼響正治法門無報應罪正業法

門息諸罣礙正便法門消衆欲意正意法門入無志  
念正定法門逮得三昧無有瞋恨道心法門不斷三  
寶教淨性法門不樂餘乘聖達法門微妙佛法心無  
結網應時法門普具諸法施度無極法門備成相好  
佛土清淨勸化慳嫉戒度無極法門悉度衆惡八難  
之處攝諸犯禁忍度無極法門捨衆諍訟瞋恚之心  
攝恚恨意進度無極法門養衆善德攝諸懈怠禪度  
無極法門興顯一切一心脫門定意神通攝諸亂意  
智度無極法門捨衆無明陰蔽窈冥邪見羅網攝諸  
惡智善權法門隨衆所好而現威儀普攝一切諸佛  
聖慧四恩法門攝諸衆生使成佛道正法由已四等  
法門慈悲喜護以斯四等攝諸偏黨化衆法門安已  
弘誓而不懈倦護法法門蠲除一切衆生塵勞積德  
法門衆生戴仰聖品法門具足十力寂然法門成就如  
來定其觀法門慧眼訓誨分別辯法門成就法眼導  
御法門具足佛眼總持法門奉行諸佛之所頒宣辯  
才法門所可敷演悅衆生心順忍法門順化諸法不  
起法忍法門輒得受決不退轉地法門備諸佛法從  
住至住法門至阿惟顏一切智業無餘法門處胎出  
家詣佛樹下唯諸仁等畧說其要是爲百八法曜道

0123456789 210 123456789 210 123456789 210

門菩薩大士臨降神時爲諸天子講說此法說是法  
 門品時八萬四千天子發無上正真道心三十萬二  
 千天子宿植德本尋時逮成無所從生法忍三十六  
 億諸天子等遠塵離垢諸法眼淨兜術諸天咸皆欣  
 然皆散天華積至于膝如是比丘于時菩薩爲大天  
 衆勸助若茲咨嗟說偈

其有樂清淨 在天心思妙 皆宿造德本  
 故致此淨果 是故報前世 造行清淨品  
 無德歸惡趣 在苦痛不善 從我聞是法  
 莫起無恭敬 當棄此惰慢 致無量大安  
 罪福無有常 無恒不堅固 如夢幻野馬  
 空中電忽然 雖以慕五樂 猶渴飲鹹水  
 離塵度世聖 逮智能充飽 等諸欲妓樂  
 一切諸玉女 女人各異心 是時平等業  
 不用利養伴 友親諸眷屬 除餘造善業  
 不樂諸惡品 是故俱和合 各懷念慈心  
 奉行真正法 善行息充飽 常思念諸佛  
 在法無放逸 樂戒博聞施 忍辱仁和安  
 晓了苦無我 專精觀察法 從因緣合成  
 轉常勝垢濁 觀見諸辯才 無極之神足

0123456789 210 123456789 210 123456789 210

慧功勲自然 造戒聞無逸 修學無極解  
博聞無馳騁 施調意智慧 衆生故行慈  
常修行愍哀 能成衆善法 本要行爲本  
言行常相應 勿從他人教 已寂然精進  
不以作逮得 無作亦不安 等意觀其本  
生死甚勤苦 不以習離欲 捨邪能究竟  
是故得閑靜 宣布順慈心 尊敬聽法會  
滅欲燒塵勞 奉捐大貢高 執持無諛詔  
以時進行道 至滅度無爲 消愚衆濁冥  
智慧明化之 奉結塵生網 興發所應行  
雖有衆法師 汝等修行義 不在於彼見  
不違諸法訓 若得佛道時 轉法雨甘露  
淨洗其心垢 咨受最法門

## 所現象形品第三

佛告比丘於時菩薩爲大天衆敷演經法勸助開化  
咸令悅豫問諸天子以何形貌降神母胎或有言曰  
儒童之形或曰釋梵之形或曰大天王之形或曰息  
意天王形或曰阿須輪犍陀羅迦留羅真陀羅摩休  
勒形或曰大神妙天日月王形或曰金翅鳥形彼有  
梵天名曰強威本從仙道中來沒生天上於無上正

0123456789210123456789210123456789210

眞道而不退轉報諸天子言吾察梵志典籍所載歎說菩薩應降母胎又問以何形往答曰象形第一六牙白象頭首微妙威神巍巍形象姝好梵典所載其爲然矣緣是顯示三十二相所以者何世有三獸一兔二馬三曰白象兔之度水趣自度耳馬雖差猛猶不知水之深淺也白象之度盡其源底聲聞緣覺其猶兔馬雖度生死不達法本菩薩大乘譬如白象解暢三界十二緣起了之本元救護一切莫不蒙濟如是比丘於時菩薩處兜術天普觀天下意欲降體白淨王宮於是王宮先現八瑞一者草穢瓦石諸垢不淨悉爲消除自然香潔生衆雜華香氣苾芬二者其雪山邊鳬鷹鴛鴦鷺鶴赤觜鸚鵡青雀哀鸞雜鳥來詣王宮住宮殿上軒窓門戶屏障櫳疏各各暢音柔軟妙雅三者白淨王宮後園遊觀流泉衆水冬時始春皆生雜華若干種實奇雅妙好四者陂水浴池諸觀屋宅悉自然生青蓮芙蓉大如車輪其葉百千五者其酥水器及麻油器石蜜器食之無減六者其王宮裏大鼓小鼓箜篌琴瑟箏笛簫笙不鼓自鳴演悲和音七者其王宮藏衆寶奇珍明珠七寶衣被瓔珞地中藏寶自然發出八者宮中光明普照內外蔽日

月光二萬妓女歡喜悅豫眷屬圍達來詣王所見王安坐侍王之右坐交露帳和顏悅色咸共賀王善哉大王願聽妾言王得大願衆寶瑞應咸一時至當懷悅豫時節和適國土太平應入關齋當抱慈心不宜瞋喜敬身愛彼棄捐慳嫉愛欲邪見消雪自大衆患厭事無復諸亂莫不歡喜已入正真無懷恨者不聽十惡奉行衆善王愍我等建立至誠去諸籠意莫受讒言兩舌彼此慕樂戒禁將護宜適念行功福慕樂道義妾等亦當奉戒順命棄捐冥抱歡悅心常自將護妓樂圍達永得安隱散華燒香已離諸欲不懷異心宿夜七日安和無難今我等心不在色聲香味細滑之法其心戀慕欲聞正音男女悉好猶若天人遊戲樂施不志王榮瓔珞之飾牀座綻綻諸好几筵心中思善皆共踊躍安隱無亂今者大王宜視衆民猶若一子時王聞言第一歡喜當如所願不違汝意輒如所誓於時其王施宮妓女如意所願皆爲莊嚴文飾清淨解散衆華燒其熏香懸繪幢蓋召二萬人悉使被鎧皆執兵仗侍衛左右諸眷屬俱作諸妓樂音聲悲和擁護王后諸宮妓女各共圍達諸天玉女來洗浴之香熏衣服衆寶瓔珞僉然俱鼓百千妓樂

其音悲和夫人適坐天女來侍以若干種衆雜天華  
金銀牀榻細軟綻以布其上明月珠寶諸天玉女  
各齋香瓶散華燒香

## 普曜經卷第一

### 音釋

**錠**

徒徑切  
自然燈也

**鎔**

光胡南切

至也

**迄**

許乞切

祚

**祚**

昨故切

福祿也

**憒**

古對切

對

**鑊**

渠鐸切

鑊

**末**

蒲末切

末

**帑**

坦切

對

**切心**

**懨**

陟降切

愚也

**鎧**

苦亥切

鎧

**璿**

渠璿切

瑩也

**鐸**

渠鐸切

鐸

**鈸**

浦未切

鈸

**帑**

坦切

帑

**所藏**

**豐**

許觀切

隙也

**鷹**

鷹於陵切

鷹

**鶴**

鶴弋照切

鶴

**觜**

烏喙也

觜

## 普曜經卷第二

### 西晉三藏法師竺法護譯

#### 降神處胎品第四

於是四天王天帝釋焰天子兜術天子無慢天子善化天子魔子導師梵忍跡天梵滿天善梵天光淨天光音天大神妙天淨居天竟往天阿迦臘吒天及餘無數百千天人皆共集會轉相謂言今仁君等假使菩薩獨往降神處於母胎我等諸天不往侍從墮無反復不識恩養誰能堪任侍衛菩薩降神入胎不離其側如影隨形乃至成佛降伏魔軍而轉法輪和慈

四等至大滅度以懷慈心歡喜悅心調和其心而奉事焉未會遠離不違約誓於是頌曰

今誰能堪任 追侍常悅心 誰得名稱力

自發長住侍 忏利天誰意 捨安不樂天

住在玉女衆 侍離垢月顏 諸微妙最樹

雖貪天室宅 屋宅化金色 當侍離垢威

心念若干品 不慕其諍訟 少欲如妙華

大男子所好 言寂兜術天 諸天求大威

所生常見敬 當樂無量稱 慕應化妙本

自在諸天宮 心喜皆奉行 當好是功勲

魔王懷毒心 越度一切尊 及愛此經法

自在度欲尊 亦度於欲界 亦及梵所居

修行四等心 在諸仙中上 遊諸天殊特

如轉輪聖王 室宅常安隱 侍離欲威尊

欲得國君安 大財無極富 眷屬無怨仇

往送可敬順 致財色豪位 名稱力功勲

見歎及仁君 往侍送梵音 欲得天人樂

及致三界安 處安及法安 當侍大仙安

若除姪怒癡 欲棄衆冥塵 寂然心憺怕

侍從調定意 學不學緣覺 常逮一切智

0123456789200123456789210123456789220

經

卷之二

三

卅四

十力師子吼 當侍從江海 意勝閉惡趣  
致安住甘露 得成八正道 侍從降五趣  
其欲得見佛 欲聽大哀法 慕致衆福祚  
往侍自在聖 盡生老死苦 欲解宛轉縛  
清淨如虛空 侍清明真人 欲致一切敬  
相好殊異德 常欲濟彼已 當侍可愛敬  
戒定及智慧 此及無量稱 究竟所生安  
當侍彼大聖 欲達深難解 玄絕難逮義  
欲得慧自解 當侍大醫王

爾時諸天聞歡此偈其四天王四萬人俱百千忉利  
天焰天兜術天無憍樂天化自在天各與百千諸天  
子俱六萬魔天前世積德修清淨行梵迦夷天六萬  
八千乃至阿迦臘天與無央數百千眷屬又有四  
方無數百千皆來集會是時天子各各讚歎歌頌妙  
偈

聽我無限言 意審至三乘 禿欲樂安住  
所慕此最淨 大聖度降神 衆奉可重敬  
守德神仙護 微妙無害意 執樂鼓和音  
歡德海功勲 歸命天人尊 聞菩薩上慧  
散華供養聖 奉仁名華香 悅心天人尊

0

1 2 3 4 5 6 7 8 9 200

210

220

離欲安無患 意妙清淨華 善願演光明  
 迦夷散衆華 等供福清淨 處胎無垢著  
 覺悟老病死 悅心侍究竟 志懷奉供敬  
 天人獲善利 見舉足七步 釋梵咸稽首  
 香水洗淨意 屈意隨世俗 天宮處塵欲  
 普捨釋尊位 咸悅意侍之 取草坐道場  
 得佛降衆魔 梵勸轉法輪 爰共奉安住  
 三界作佛事 甘露億載衆 覢化衆清涼  
 皆棄渴名稱

於是欲行天人膝室觀見菩薩姿色殊妙心自念言  
 今此真人清淨殊貌其妃如類耶尊人所厚咸皆羨  
 之各執華香抱愛敬心志功福報願立神足適作是  
 念卽時尋沒天人宮殿在迦維羅衛大園觀中寂然  
 莊飾其白淨王所可愛樂難及大殿後宮苑囿其處  
 巍巍行塗香熏清淨無垢光明福祚威神成就天人  
 瓔珞一時併至尋從地起見王妙后舉身一指現在  
 虛空各各相和而說偈言

天玉女遊行 親菩薩妙顏 中心發是念  
 菩薩母何類 手各執衆華 往聞生愛意  
 既受持華香 又十指作禮 微妙氣雜香

0123456789 210 123456789 210 123456789 210

投身自歸命 吾覩名稱尊 善見仁顏色  
 亦欲覩殊異 玉女色最悅 觀尊覩其形  
 天眼自覩身 是顏第一殊 至德生尊人  
 明珠著好器 是器天中天 手腳如甘露  
 來樂勝天人 觀像無厭足 其心益踊悅  
 威首照虛空 其明耀諸天 離垢衆雜香  
 身演暉如是 其色如紫金 威神耀諸天  
 如蜂王成蜜 演淨塗香熏 眼明如真金  
 光淨耀虛空 所沒至清淨 而等於有無  
 輜踵猶如象 其膝微平正 手腳平等淨  
 玉女歎決疑 如是多所覩 散華右遶之  
 歎名稱佛母 還入其天宮

爾時四天王天帝焰天及無慢天天龍厭鬼及害人  
 鬼阿須倫捷咤羅真陀羅摩休勒咸皆來至歸人中  
 上而在前導衛護至尊將無惡物害意向之若世俗  
 人勿造厄難詣其王后所居宇宅皆共清和眷屬圍  
 達遊行虛空一切吉祥令無違燒衆共宿衛諸天子  
 知悉欲往侍悅心敬后執持華香叉手爲禮見淨尊  
 人當降神故師子大哀欲來生故用道法故皆當勸  
 助護一切故於是菩薩欲遷神時東方極遠無數菩

薩住兜術天皆共來至於斯國土供養菩薩南西北方四維上下十方無限諸佛世界無數菩薩一生補處住兜術宮皆來詣此供養菩薩其四天王八萬四千諸玉女衆忉利天焰天兜術天無橋樂天化自在天各將侍從八萬四千玉女鼓樂絃歌來詣此土供養菩薩於是菩薩卽坐首藏普德等集三昧定意一切現大棚閣并諸菩薩億百千載諸天圍遶動兜術天適震動已從身放光具足廣普照此三千大千佛國靡不周徧耀幽冥處令覩大明日月之光所不逮及照於地獄餓鬼畜生八難中人蒙斯尊光普獲安隱所蒙光處令其衆生消姪怒痴不懷自大無有憒熱亦無貪嫉皆懷慈心相視如子如父如母如兄如弟天人妓樂不鼓自鳴百千億載音聲相和無數天人念善思善彼大天宮無能毀壞玉女百千各鼓琴箏在後侍從以妓樂音嗟歎菩薩前世積德所說偈曰

前世積功德 長夜求善本 布施得真正  
 故今致奉敬 尊本無數劫 惠施愛男女  
 以斯施果報 雨天諸華香 割身肉秤之  
 用哀愍鳥故 由此布施果 餓鬼蒙食漿

0

1 2 3 4 5 6 7 8 9 200

1 2 3 4 5 6 7 8 9 210

1 2 3 4 5 6 7 8 9 220

經

卷之二

七

九四

尊本無數劫 護戒無所犯 由此禁果報  
 消盡惡道難 本無數億劫 志道行忍辱  
 忍行致此果 慈心愍天人 本無數億劫  
 上進無怯劣 以是精進果 身好如須彌  
 本無數億劫 禪思消衆塵 以是一心果  
 不樂衆塵欲 本無數億劫 行智斷貪欲  
 以是智慧果 光明最清淨 被鎧善伏塵  
 普愍念衆生 仁德度彼岸 禮清淨安住  
 光耀悉普照 皆除衆塵冥 爲三千目導  
 禮最勝現道 曉了神通飛 顯示覺究竟  
 化度以種類 稽首善船師 皆學清淨辭  
 示現歿終始 未曾捨俗法 於俗無所著  
 其見求博聞 弘利具無限 況復聽受法  
 得信愛樂者 奠術天忽冥 閻浮利日出  
 無思議億垓 樂道消衆塵 安隱快豐盛  
 無數諸天俱 玉女鼓音樂 王舍聞悲和  
 德威普慈茂 覩母最妙顏 子巍巍如此  
 三界最吉祥 不復失本誓 無有貪恚諍  
 恭敬普慈心 於人中威神 王國遂增益  
 成轉輪王種 迦維當豐茂 寶藏又豐滿

1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

經

高僧傳

卷

十四

鬼閻叉厭鬼 諸天龍鬼神 住護人中尊  
不久得解脫 護佛積功德 愛敬而奉事  
悉用勸其道 速疾成導師

佛語諸比丘于時菩薩過冬盛寒至始春之初修舍  
星宿春末夏初樹木繁盛始初果茂不寒不暑時三  
界尊觀察十方適在時宜沸星應下菩薩便從兜術  
天上垂降威靈化作白象口有六牙諸根寂定頸首  
奮耀光色巍巍眼目晃昱現從日光降神于胎趣於  
右脇菩薩所以處於右者所行不左王后潔妙時晏  
然寐忽然卽覺見白象王光色如此來處于胎其身  
安和從始至今未曾見聞身心安隱猶如逮禪致正  
受矣於時妙后衣毛爲堅枝拭衣服及塗香熏身心  
欣喜尋從座起與姝女俱前後圍遶從後宮出詣無  
憂樹卽時安坐無憂樹下便遣侍女以此意旨啓白  
淨王曰大王自屈來覩所樂王聞踊躍卽勅嚴駕羣  
臣翼從到無憂樹不得入門王自起想乘高象車思  
惟須臾輒說偈曰

念曾處象車 身重不如今 光明入吾室

問誰是何變

於時有天在虛空中化現半身爲白淨王說此偈言

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

德行三界尊 慈哀成福祚 菩薩遷兜術  
 大聖降妙后 當又手禮足 至神入彼室  
 妙后觀其意 若干種微妙 今以用是故  
 而有是變應 示現於宮殿 未曾有虛妄  
 淨如雪山王 其明超日月 身形甚分明  
 大象強殊勝 堅固猶金剛 思念行殊特  
 而降神入胎 是故受我言 覓三界迷冥  
 億載天歎詠 不厭無瞋怒 心寂等安定

時夫人出爲王說偈

大王召梵志 曉了能解夢 爲我別此義  
 於國爲吉凶 大王受我言 梵志學經術  
 當使在我前 聽說所夢意 光踰日月明  
 形大好六牙 故勇入我胎 當聽此意故  
 時王請梵志問此意梵志爲王說偈言

梵志聞是言 歡喜無不吉 生子有相好  
 在家爲聖王 假愍世出家 成佛祐三界  
 甘露普濟俗 爲決所疑網 受梵志好教  
 心中無所畏 以服美飲食 其身永安隱  
 時白淨王心自念言當所屋宅安於妙后使無衆難  
 時四天王詣白淨王而謂王曰大王安隱今我等身

D123456789200123456789210123456789220

當爲菩薩造立妙宅時天帝釋焰天兜術天無惱樂  
天化自在天往詣王所各上天宮王后處中兜術天  
王曰還持本宮奉上菩薩使處其中化自在天曰我  
有宮殿欲界最上光蔽諸天令如聚墨當令王后身  
處其中華香妓樂竒異之饌供養妙后如是比丘一  
切欲界天王俱來詣迦維羅衛貢上宮殿一心自歸  
供養菩薩時白淨王亦在其土興立宮殿嚴好如天  
於時菩薩承大淨定使其王后普見宮殿身處其中  
皆懷菩薩時諸天王所上宮殿各不相見各自念言  
今菩薩母在我宮殿不在餘所時佛卽說偈言

住大淨三昧 所化不可議 普悅諸天意

先現瑞所應

佛語比丘於時菩薩坐於寶淨交露棚閣處妙后右  
脇所坐寶淨棚閣殊妙栴檀而香熏之其香偏熏三  
千世界巍巍竒異強如金剛軟如天衣香氣芬馥徹  
於十方其菩薩交露宮殿欲界諸天嚴淨宮殿常皆  
現在菩薩宮殿其處菩薩臨降神胎應時其夜下方  
水界六百六十萬由旬生大蓮華上徹梵天永無見  
者唯有梵天名音聞百萬諸佛土威神光耀普徧三  
千大千世界皆現目前獨見之耳又其梵天執金剛

1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

器百味飲食奉侍菩薩菩薩食之覩觀十方無能服  
食如是一滴之供堪任服消者獨有一生補處能消  
化耳又有宿世功福積德道慧所致諸尊天帝釋梵  
王咸來稽首歸命聽經於是菩薩舉一手指自然化  
現別異牀榻釋梵四王各從本位而坐其上已見坐  
定爲講說法開化其心咸皆悅豫菩薩覩之欲得還  
歸下其右手使不復現釋梵四王尋卽知之菩薩遣  
證右達菩薩便卽還宮以是之故菩薩處其右脇東  
西南北四維上下十方無數百千菩薩咸來見之稽  
首作禮欲得聽經菩薩見來演身光明化清淨座卽

皆就別名各啓問無極

是之故菩薩演寂光明照諸天人

不相見以

之亦無所礙唯覺已身輕便柔軟安隱無橫無妨  
癡不想三毒亦無寒熱及諸飢渴不汙聖體及餘手  
指無有不可亦不遇惡色聲香味細滑之法不見惡  
夢亦無惡露迦維羅衛及遠大國天龍鬼神乾沓惄  
阿須倫迦留羅真陀羅魔休勒男女大小歡喜踊躍  
不懷異心若有諸病風寒熱氣疾眼耳鼻口身心之  
疾脣齒咽痛塵勞狂病顛疾金瘻瘢瘍詣菩薩母母  
舉右手而摩其頭病皆除愈各還其家於時王后取

器百味飲食奉侍菩薩菩薩食之覩觀十方無能服  
食如是一滴之供堪任服消者獨有一生補處能消  
化耳又有宿世功福積德道慧所致諸尊天帝釋梵  
王咸來稽首歸命聽經於是菩薩舉一手指自然化  
現別異牀榻釋梵四王各從本位而坐其上已見坐  
定爲講說法開化其心咸皆悅豫菩薩覩之欲得還  
歸下其右手使不復現釋梵四王尋卽知之菩薩遣  
證右遶菩薩便卽還宮以是之故菩薩處其右脇東  
西南北四維上下十方無數百千菩薩咸來見之稽  
首作禮欲得聽經菩薩見及

皆就牀各各啓問無極大乘廣爲分別各不相見以  
是之故菩薩演寂光明照諸天人其菩薩母悉不知  
之亦無所礙唯覺已身輕便柔軟安隱無橫無姪怒  
癡不想三毒亦無寒熱及諸飢渴不汙聖體及餘手  
指無有不可亦不遇惡色聲香味細滑之法不見惡  
夢亦無惡露迦維羅衛及遠大國天龍鬼神乾沓惄  
阿須倫迦留羅真陀羅魔休勒男女大小歡喜踊躍  
不懷異心若有諸病風寒熱氣疾眼耳鼻口身心之  
疾脣齒咽痛塵勞狂病顛疾金瘻瘢瘍詣菩薩母母  
舉右手而摩其頭病皆除愈各還其家於時王后取

草作籌殊妙自然著於地上持與諸病卽得安隱無復所患時菩薩母使衆疾患住其右邊皆得安隱無復衆病各歸其家諸可來者觀后右脇悉見菩薩降神母胎鮮潔清淨猶如明鏡照其面像歡喜踊躍皆蒙濟度菩薩在胎自然天樂而相和鳴雨天香華常以時節春秋冬夏自然降矣幢蓋旛綵展轉往來國土安隱豐熟熾盛無有溝坑荆棘之穢有諸旛蓋偏迦維羅衛城釋種諸姓及與萬民飲食娛樂鼓舞歌戲好喜布施積功累德皆共相樂周竟四月其白淨王淨修梵行棄捨國事不加刑罰行法爲本不慕世榮於是菩薩在胎十月開化訓誨三十六載諸天人民使立聲聞及諸大乘於是頌曰

菩薩處母胎	牆壁屋宅地	自然金色光
天喜成法王	莊嚴大宮殿	見中跏趺坐
導師處名香	其香聞三千	大千下方出
大蓮華香潔	乃徹至梵天	取精授菩薩
菩薩能消服	餘人不能堪	無數劫熟精
服食身心淨	釋梵四天王	稽首供養佛
奉事聽正法	右遶皆還歸	樂法菩薩來
妙光淨無礙	轉聽尊法樂	聞說皆歡喜

經

十一

三四

四方男女來 鬼嬈心迷亂 見王后心解  
 意安還歸家 得風寒熱毒 眼耳鼻口病  
 及若干疾患 后摩頭得安 若取一籌涕  
 與之病皆愈 無疾安歸家 處胎爲醫王  
 十方諸菩薩 目自見王后 如日月在空  
 観菩薩眷屬 無姪怒癡患 無貪嫉恚想  
 其心常歡喜 無飢渴寒熱 天樂不鼓鳴  
 天雨淨華香 天人非人見 未曾懷害心  
 天人樂飲食 無數樂悲和 時雨豐賤樂  
 草藥華果茂 王宮雨七日 貧取食布施  
 安貧樂稽首 禮和衆如山 白淨王常悅  
 行法不領國 入靜問皇后 懷聖身安不  
 欲生時三十二瑞應品第五

佛語比丘滿十月已菩薩臨產之時先見瑞應三十  
 有二一者後園樹木自然生果二者陸地生青蓮華  
 大如車輪三者陸地枯樹皆生華葉四者天神牽七  
 寶交露車至五者地中二萬寶藏自然發出六者名  
 香好熏徧布遠近七者雪山中出五百白師子羅住  
 城門無所娆害八者五百白象子羅住殿前九者天  
 爲四面細雨澤香十者其王宮中自然泉水百味飲

食給諸飢渴十一者諸龍玉女在虛空中現半身住十二者天萬玉女把孔雀拂現宮牆上十三者諸天玉女持萬口金瓶盛甘露住虛空中十四者天萬玉女手執萬瓶皆盛香水行住虛空十五者天萬玉女手執幢蓋而住侍焉十六者諸天玉女羅列而住鼓百千樂在於虛空自然相和十七者四瀆江河清澄不流十八者日月宮殿停住不進十九者沸宿下侍諸星衛從二十交露寶帳普覆王宮二十一明月神珠懸於殿堂光明晃昱二十二宮中燭火爲不復明二十三篋笥衣服被在架上二十四奇珍瓔珞一切寶藏自然爲現二十五毒蟲隱藏吉鳥翔鳴二十六地獄皆休毒痛不行二十七地爲大動丘墟皆平二十八四衢街巷平正散華二十九諸深坑澗悉皆爲平三十漁獵怨惡一時慈心三十一境內孕婦產者悉男聾盲瘡瘍殘百疾皆悉除愈三十二一切樹神半身人現低首禮侍是爲三十二當此之時壇場左右莫不雅奇歎未曾有於時王后臨生菩薩承道威神卽於初夜起著服飾將諸侍女往詣王所聽我所言思入園觀從來久遠假使大王不以爲難不懷瞋妬乃敢往詣在彼寂然思惟法典其王答曰今懷

聖人亦可行觀樹木華實皆以茂盛宜知是時既有宮殿好妙屋宅若干種樹衆果芬葩甚可喜樂無轉悔心后聞歡喜王勅嚴駕及諸侍從雲母寶車媛女圍達出時遊觀憐軒樹下車馬人乘皆共同色光耀人目二百白象前後導從衆寶明珠垂珞諸象象皆六牙悉象中王盡以紫金雜廁象身微風吹之玎璫相和懸諸繪旛皆勇戰鬪時世安和無有爭心眷屬圍達宿衛王后憐軒樹下帝釋梵王四天王等皆共翊從諸天散華速行案行宮殿屋宅時還反意眷屬聞之輒卽受敎案行掃除王后當來國主當至還報嚴淨聞之歡喜尋入宮宅是我所喜意中所樂皆悉平正無有傾邪可坐禪思威光煥煥其香芬熏清淨甘美音聲柔軟若干竒寶瓔珞其身莊飾要妙見者皆歡諸音樂器笳簫鼓吹若干種品相和而鳴諸天玉女聞柔和應又見王后處一好車男女大小色像各同不異各御車乘法無殊特欲使王后不聞惡音象馬徒步若干種兵各各嚴飾住於門外聞大洪音始出門時百千聲響皆稱萬歲其車嚴飾行止安詳天師子座作四寶樹枝葉華實皆悉茂盛鷲鴈孔雀暢悲和音豎旃幢蓋七寶交露車時諸天人住於虛

空將御此車亦暢和音爾時王后坐師子牀六反震  
 動三千國土諸天散華聖今日生爲在憐憐樹下爲  
 天中天其四天王挽王后車其天帝釋淨治道路又  
 梵天王列在前導百千天人頭面稽首父王覩此心  
 中欣然則自念言是必正真天人之尊乃使四王天  
 帝釋梵咸來供養果當成佛未見三界致是恭敬天  
 龍尊神釋梵四王設遭破首亡失身命當供養聖終  
 不捨去於時王后象馬寶車步人從者各八萬四千  
萬衆寶嚴飾兵仗嚴整雄傑勇猛左右重行前後圍繞  
 爲女前後導從白淨王親釋種長者有四萬人  
 皆來侍從六萬四千國王內妓送菩薩母天玉女龍  
 王妻捷陀羅真陀羅魔休勒阿須倫諸妻室各八萬  
 四千各各嚴飾衆寶瓔珞莊校其身鼓若干樂音聲  
 各異咨嗟歌歎菩薩母德皆共侍從至憐憐樹修治  
 道路香汁灑地以散天華一切諸樹皆生華實木檼  
 梅檀香流十方是諸樹者諸天所化於時王后適上  
 寶車天玉女從樹木奮光名香好熏供養王后殊妙  
 衆珠雜寶以成是樹莖節枝葉華實皆香若干旛綵  
 嚴飾周徧其地平正廣長無穢生柔軟草自然布地  
 猶如天衣承如往古諸佛之法又諸天人一時咸鼓

百千妓樂侍從王后王后適至於此樹下菩薩威神  
 樹躬屈枝自歸王后虛空諸天稽首爲禮日月光明  
 清淨無垢諸天玉女咨嗟功勲至於樹下樹神歡喜  
 何故有是感應令我等身堪任供養所住奉敬從無  
 擇獄上至上界三十三天無懈廢者消生老死威光  
 超絕除衆暗冥今聖人生如樹茂盛華實芬葩億萬  
 諸天亦遙稽首震動大地至乎六反皆爲大明光明  
 清淨百千妓樂亦皆俱作離欲諸天深大悅喜今日  
 聖人普愍一切梵釋四王歡喜作禮其人中尊德超  
 日月在於胎中演金色光光蔽日月諸天梵釋亦皆  
 覆蔽其百千億諸佛國土消諸惡趣衆生普安無復  
 苦患諸天百千咸共散華樂處金剛其精進力從下  
 方界自然出生七寶蓮華爾時菩薩從右脇生忽然  
 見身住寶蓮華隨行七步顯揚梵音無常訓教我當  
 救度天上天下爲天人尊斷生死苦三界無上使一  
 切衆無爲常安天帝釋梵忽然來下雜名香水洗浴  
 菩薩九龍在上而下香水洗浴聖尊洗浴竟已身心  
 清淨所在遊居道超具足生於大姓如正真寶奇相  
 衆妙應轉法輪若轉輪王處在三界以一道益覆於  
 十方其白淨王心中巨然踊躍無量於時五千青衣

各各生子皆爲力士現大小等給使白王八百乳母亦各生子百千象生子白馬生駒形色如雪毛衣滑澤黃羊生羔子卽有二萬文露寶車聖經行時亦傾稽首今當如行何所施作德過諸天然大變化不可限量生業廣大由是之故光明普曜五千玉女香華自熏各持油香詣菩薩母志大乘業諸天來賀將無勞倦五千玉女皆來侍衛各持華香賀菩薩母衣被屋宅猶若天上諸童子等請五百席詣菩薩母將無勞倦重以瓔珞莊嚴其身菩薩無畏必成佛道佛告比丘菩薩生時其母安隱無有瘡痏亦無痛癢平復如故應時前後五千玉女齋天香薰及持油香奉苦薩母長跪問訊將無勞倦五千玉女奉天醫藥五千玉女齋寶瓔珞五千玉女齋天被服五千玉女齋天妓樂奉菩薩母各各問訊言將無勞倦今此天下五通仙人輕舉虛空忽然來現白淨王前佛言比丘菩薩生時夙夜七日妓樂衆供百種飲食憐憐樹下奉菩薩母布施持戒忍辱精進興功立德時三萬二千梵志常齋無乏日日供給充飽所欲天帝梵王化作儒童端坐姝好在梵志衆說吉祥偈

寂滅諸惡趣 使衆生普安 衆生以和安

一切皆無患　如光消衆冥　諸天光照穢  
 德徹諸光明　令蔽不復現　不見餘業時  
 亦復不聽聞　佛光適出現　爲世之大聖  
 不遇塵勞病　慈心愍衆生　梵天億百千  
 來供養無量　如樹華茂盛　安住於平地  
 衆人皆往歸　一切悉採取　猶如此世間  
 汗泥生蓮華　世護明如是　將養治一切  
 菩如柔軟衣　熏以天名香　若有疾病人  
 當爲療醫王　假使有離欲　在色界和音  
 又手爲作禮　則爲說衆祐　若諸天人民  
觀天人柔軟　展轉相敬重　爲衆之導師  
 若如清淨水　普有所茂盛　以是正見故  
 所居常安隱

佛告比丘於時菩薩生七日後其母命終於比丘意  
 所趣云何七日命終菩薩咎也莫作是觀所以者何  
 本命應然菩薩察之臨母命終因來下生懷菩薩時  
 諸天供養至見生矣以服天食不甘世養本福應然  
 去來今佛皆亦如是母七日終所以者何菩薩生時  
 母根身具無有缺漏應受忉利天上功祚服食上忉  
 利天適升彼天未生菩薩時諸天所送宮殿屋宅所

可住止講堂處所諸供王后五千諸瓶所盛香水五千玉女各移牀座五千玉女手持冠幘執澡香水在前灑地五萬梵天各執寶瓶稱歎萬歲二萬諸龍寶瓔珞身二萬白象珠寶珞身二萬車乘建立幢蓋寶交露車在後侍從四萬步兵勇猛傑異菩薩後行又虛空中無數億載天人忽然興立紫金牆壁供養菩薩母其夜菩薩降神之時卽夜欲界所可莊嚴無極大殿二萬魔妻手執寶縷來侍菩薩母又二萬人瓔珞嚴身應時彼夜兩玉女間有一姝女非人玉女若覩面色其欲興隆時菩薩德威神所致此迦維羅衛大城之中五百長者皆是釋種各各建立五百屋宅入羅衛城時爲菩薩開其城門身命自歸白菩薩言一切義吉唯屈入此諸天處所是清淨處普眼降此有大宮殿名護淨華菩薩應處諸大梵志豪姓釋種時白淨王隨時屈意入其舍宅用菩薩故入五百宅功勲和安修行正真五百車匿各各發言我等之身奉事供養新生太子或有說言太子聖明善制訓教端正殊妙年幼難及又今太子轉當長大誰能養育令長大乎皆和共議唯大愛道能育慈心推燥居濕飲食乳哺使長大耳大愛道者太子姨母清淨無失

是能堪任常不遠離時白淨王與諸釋種和同共往  
詣大愛道說是意故太子母終爾時姨母乳哺令長  
時大愛道則然可之王會諸釋欲試問之今者太子  
當作國主若當出家欲決此疑衆釋啓曰竊聞雪山  
有仙梵志名阿夷頭耆舊多識明曉相法王大歡喜  
因嚴駕白象欲詣道人諸天龍神現無數變導從侍  
衛時阿夷頭觀諸神變知白淨王生聖太子威神光  
耀過天世人心懷欣豫欲往親觀於是世尊重爲衆  
會而說偈曰

仙梵阿夷頭 見天飛虛空 形貌紫金色

覩之大歡悅 天須倫金翅 爲真陀是佛

聞是句安悅

天眼觀十方 而名稱若干

德如山高峻

猶樹輶華實 所住三界尊

普地平若掌

如天悅不迷 如海王有寶

現法道如是

如滅惡無苦 若天遊虛空

聞天柔軟音

三界現寶瑞 阿夷觀天下

察迦夷白王

見生福相子 観之歡悅往

住於王宮門

覩無數億衆 視青衣問曰

善哉王所在

欲前覲國主 門吏見仙老

歡悅入啓曰

王勅使令前 布座速迎之

阿夷聞悅喜 心中懷飢虛 問尊聖所在  
 年朽不數現 王告令就座 問何故自屈  
 見衆變故來 生子聞第一 身相三十二  
 欲見普吉義 吾身以故來 善來吾樂之  
 今適寂靜眠 且待須臾覺 見妙如月滿  
 於是阿夷心懷愕然以偈報王曰

從無央數劫 精進積德行 覺來已久遠  
 安得復睡眠 世世行布施 懈傷諸窮厄  
 所有無所恪 安得復睡眠 奉清淨禁戒  
 護法無所犯 欲愍濟一切 安得復睡眠  
 常忍辱仁和 其心不懷恨 執心若如地  
 安得復睡眠 精進如月初 日前不懈怠  
 遊見十方佛 安得復睡眠 一心常禪思  
 未曾有亂想 意定如大山 安得復睡眠  
 智慧無不達 聖明踰日光 無所不開解  
 安得復睡眠 常奉四等心 行慈悲喜護  
 如梵無放逸 安得復睡眠 遵修四恩行  
 惠施及仁愛 利人復等利 安得復睡眠  
 奉三十七品 意止斷根力 神足覺八道  
 安得復睡眠 常行權方便 隨時而開化

0

200

210

220

卷之二

三

三

大四

往反度一切 安得復睡眠 其心常寂然  
 定意不放逸 入此深三昧 安得復睡眠  
 觀彼我本末 現見十方佛 解之悉本無  
 安得復睡眠 常行三脫門 空無相諸願  
 有無無所者 安得復睡眠 大慈無益哀  
 法船遊三界 度脫諸生死 安得復睡眠  
 道德如虛空 爲衆故自下 緣是化三乘  
 安得復睡眠 虛空尚可度 海水知幾滴  
 草木悉能計 安得復睡眠 願王聽我言  
 子德無可喻 慧過衆塵數 安得復睡眠  
 降神於母胎 所度不可量 非小節所達  
 安得復睡眠

於是菩薩從寐覺起大愛道白氈裹抱來詣王所王  
 賜黃金白銀各一囊賜道人道人不受披氈相太子  
 見三十二相軀體金色頂有肉髻其髮紺青眉間白  
 毫項出日光目睛紺色上下俱珣口四十齒齒白齊  
 平方頰車廣長舌七合滿師子膺身方正修臂指長  
 足跟滿安平正內外握網綈掌手足輪千輻理陰馬  
 藏鹿腨腸鈎鎖骨毛右旋一一孔一毛生皮毛細軟  
 不受塵水胸有卍字阿夷見此乃增歎流淚悲不能

0

200

210

220

言王及大愛道心懷惶懼拜手而問曰有不祥乎願告其意舉手荅曰吉無不利敢賀大王得生此神人昨暮天地大動其正爲此如我相法曰王者生子而有三十二大人相者處國當爲轉輪聖王自然七寶千子主四天下治以正法若捨國出家爲自然佛度脫衆生傷我年已晚暮當就後世不覩佛興不聞其經故自悲耳王深知其能相爲起宮室作三時殿各自異處涼時居秋殿暑時居涼殿寒時居溫殿選五百妓女擇取端正不肥不瘦不長不短不白不黑才能巧妙容兼數技皆以白珠名寶瓔珞其身百人一番迭代宿衛其殿前列種甘果樹間浴池池中奇華異類之鳥數千百種嚴飾光明趣悅太子意不欲令學道宮牆牢固門開閉聲聞四十里佛告比丘菩薩生已大神妙天告諸淨居菩薩大士無數億載積功累德淨其道場布施博聞禁戒清徹勤修正行大慈大哀以是悅護一切衆生使立大安菩薩精進堅強無傾被大弘誓於過去佛植衆德本相有百福莊嚴聖體所作安和與衆超異心意清明所御無垢以此淨行立成大慧無極法幢諸有俗力自然爲伏三千大千導從天人奉事建立大祠所導無礙唯重道德

斷生死原興顯大乘適生墮地在於王家緣是衆生  
被蒙弘猷覺未覺者宜往稽首嗟歎功德奉事供養  
爲餘天人不解法者貢高自大不識至真顯示大道  
無極至業若干菩薩威聖超絕咸來供養以聞見此  
增益國王土地功勲觀說生時聖慧巍巍觀其真諦  
莫不發意往到彼所逮度無極於是頌曰

生時德如海 大神妙說是 無數劫難聞

往奉人中尊 淨天具百千 明珠莊嚴身

悉備威儀往 自投歸至尊 諸天長夜護

住衆德淨門 莊嚴寶瓔珞 色好如月滿

光光不逮聖 聞不及一步 無敢越王界

三界無能當 身演清淨光 言和無能逮

戒深修善業 天人莫能倫 過名香衆熏

恭敬而奉養 未曾見太子 承事天中天

阿夷使白王 相師欲求現 威儀德神聖

王聞第一喜 門吏啓王入 人尊以聽之

手執華歡喜 神入聖屋宅 其王以見入

卽起又十指 紫金寶脚牀 請仁坐此榻

卽坐四見達 王問所以來 生子身德具

行真故來見 聖明相好備 不知所歸趣

0123456789

200123456789

210123456789

220123456789

是故須牀座 唯示嚴相好 此衆圍遶來  
 寂樂上太子 奉敬天示之 出門歎未有  
 見妙勝導師 紫金覺聖威 卽起覩顏貌  
 稽首離垢光 盡壽見歡喜 威德無見頂  
 白毛天中時 成佛降衆魔 喵歎至眞德  
 消除衆塵勞 寶師子來現 當刈生死垢  
 三世三垢熾 從想起毒垢 法雨療三千  
 甘露滅塵勞 慈鎧見哀熏 梵音聲柔軟  
 教告三千界 口宣大法響 壞外學邪徑  
 衆罪所見縛 因緣不聞空 法勇化小節  
 滅癡大樹煙 淨衆大聖教 見世智慧明  
 滅諸暗冥識 天人獲善利 及見淨真正  
 空惡興天路 人寶無所諍 迦維天雨華  
 奉禮右達之 歎佛歎國土 升虛空還天

## 普曜經卷第二

音釋

阿迦膩吒梵語也此云色 婆<sub>羊證</sub>女證切 娑<sub>嫁之女也</sub> 婦<sub>禮切</sub> 跖<sub>脚部</sub>  
 股骨也踵之

癡<sub>瘓</sub>瘓切足跟也 技拭<sub>拭無粉切拭賞職</sub>技拭揩摸也 脇<sub>虛業切</sub> 痘<sub>瘞</sub>

瘞<sub>瘞切瘞瘞也</sub> 瘰<sub>瘞切瘞瘞也</sub> 瘰<sub>瘞切瘞瘞也</sub> 瘰<sub>瘞切瘞瘞也</sub> 塹<sub>瘞居良切場夷益</sub>瘞切場邊境也

瘞<sub>瘞七豔切</sub> 瘰<sub>瘞力中切</sub> 塹<sub>瘞居良切場夷益</sub>瘞切場邊境也 范<sub>瘞切瘞瘞也</sub>

絶

普巴切  
華貌切

鞞切

玎璫切

玎璫都郎

余力切

翊衛也

笳居牙切

輸閏切

鷺莫卜切

檻音蜜香

即葉切與聰

聰同目旁毛也

駒

鎖鎖古侯切

鎖蘇果切

鉤割也

駒木也

駒也

駒也

跔同足踵也

跟吉協切

握持也

脰市充切

脰非陽也

脰乙角切

脰持也

脰文里切

脰魚器切

脰割也

脰也

脰也

福建興泉道叅政烏程沈演施貲刻

普曜經第二卷計九千零七十字該銀四兩五

錢三分五厘

武林釋大能對上元李淵書進賢傳汝權刻

萬曆己酉歲秋七月徑山寂照庵謙

時立也

刈割也

刈立也

刈割也

刈割也

刈割也

刈割也

### 普曜經卷第三

西晉三藏法師竺法護譯

### 入天寺品第六

佛告比丘菩薩適生當爾之時君子梵志長者二萬婦生二親歡悅皆奉菩薩給使左右時白淨王供給菩薩二萬妓女走使所當諸家親族二萬妓女貢上菩薩大臣百官復有妓女二萬奉上菩薩尊豪諸釋咸共集會來至王所前啓白言王當知之宜將太子至於天祠王然可之皆勑城內掃除街路四徼諸道諸曲里巷莫有不淨不吉之事瓦石溝坑不淨之地

疾病盲聾勿有惡聲散華燒香選吉祥音懸繪旛蓋  
莊嚴門戶王還入後宮以告大愛道擁護太子將詣  
天祠太子在座卽時微笑面喜悅頒宣此言吾身  
和安何緣相將欲詣天祠太子沐浴重加大笑卽時  
說偈言

初生動三千 繹梵須倫神 日月息天王  
來稽頭面禮 何有天過是 將吾到其所  
超天天中天 天無比況勝 隨俗來現此  
現瑞人歡喜 若干種奉養 過聖天中天  
佛告比丘於時嚴飾諸吉祥業長者梵志諸郡縣邑  
尊者居士妻息侍從大臣散王門吏令史親族知識  
散華燒香乘象馬車國王侍臣俱將太子往入天祠  
適入天寺因住祠上諸天形像無有想念日月諸天  
息意天王釋梵四王各捨本位尋時來下五體投地  
禮菩薩足諸天人民百千之衆默然歡吒稱揚鴻音  
歎未曾有歡喜踊躍天地大動天雨衆華百千妓樂  
不鼓自鳴諸天形像現其本身禮菩薩足則在前住  
於是頌曰

須彌比芥子 過天龍王變 日月禮螢耶  
慧德豈禮天 三千界自歸 芥子比須彌

0123456789 200123456789 210123456789 220123456789 230123456789 240123456789 250123456789 260123456789 270123456789 280123456789 290123456789 210123456789 220123456789 230123456789 240123456789 250123456789 260123456789 270123456789 280123456789 290123456789

牛跡比大海 上尊喻日月

若能禮其尊

功德不可計

各各得安隱

德豐無限量

菩薩入天祠時三萬二千天子見顯威德皆發無上正真道意以是之故將菩薩行入於天寺時有梵志名曰火焰於是其父與五百眷屬圍遶執七寶蓋貢白淨王口說此言以供太子王卽受之召五百釋子五百瓔珞手脚頭耳臂著瓔珞沸宿卽時來詣王所謂王言宜令太子沐浴澡洗乃著瓔珞而供養之王報之曰我爲太子亦作瓔珞太子著之七十七日吾乃應義過此夜已其日月初有一遊觀名離垢淨菩薩出觀其大愛道抱持來出八萬妓女來迎菩薩稽首爲禮諸釋一萬人奉迎菩薩五千梵志亦復奉迎其諸釋種作衆瓔珞奉菩薩者令菩薩著之適被在身卽時暗冥菩薩威光令無有耀猶如聚墨在紫金邊有一長者名曰離垢服上好妙瑛住菩薩前時白淨王及諸釋種以偈讚曰

嚴三千世界 徧布清淨寶 皆爲紫磨金

不及此光明 雖爲紫磨金 不如一毛光

明耀消諸光 在聖邊如墨 以道德莊嚴

瓔珞掩無耀 日月明珠光 釋梵明不及

0 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

宿相好嚴身 寶瓔安能勝 莊嚴莫如佛  
蔽嚴不及度 道嚴淨安明 適生嚴種姓  
演光衆歡喜 長益其種族

現書品第七

佛告比丘爾時太子厥年七歲興顯無數百千吉祥  
一萬童子一萬女子一萬車乘載若干種饌具足衆  
寶至迦夷國置四微里諸街曲頭作衆妓樂在諸樹  
間莊飾棚閣軒窓門牖其諸妓女文飾瓔珞而處其  
上散華燒香八千妓女淨治道路奉迎菩薩諸天龍  
神及健沓和在虛空中各各異形散華燒香垂珠脣  
一切衆釋前後導從白淨王俱行迎菩薩菩薩乘  
羊車將詣書師適入書堂欲見其師師名選友時見  
威神光耀不能堪任卽躋墮地兜術天上有天子  
名曰清淨卽前牽手令從地起置於座上在大衆前  
說此偈言

現在釋中生 在俗學技術 計校及書數  
無數劫已了 救衆生故現 博學示人師  
度無數童子 惠衆入甘露 度世解四諦  
了報應因緣 有成必滅盡 況今此書堂  
於三世最明 天人第一尊 書堂化若干

0 1 2 3 4 5 6 7 8 9 200 1 2 3 4 5 6 7 8 9 210 1 2 3 4 5 6 7 8 9 220

無數劫學斯 衆生心多念 真聖專知本  
是色其無念 立戒化貪形

爾時菩薩與諸釋童俱往菩薩手執金筆栴檀書隸  
衆寶明珠成其書牀侍者送之間師選友今師何書  
而相敎乎其師答曰以梵怯留而相敎耳無他異書  
菩薩答曰其異書者有六十四今師何言止有二種  
師問其六十四皆何所名乎太子答曰梵書 一 怯留  
書 二 弗迦羅書 三 安怯書 四 曼怯書 五 安求書 六 大  
秦書 七 護衆書 八 取書 九 半書 一 阿陀比羅書 二 久與  
書 三 疾堅書 四 夷狄塞書 五 施與書 六 康居書 七 最  
上書 八 阿陀羅書 九 法沙書 一 秦書 二 匈奴書 三 中間  
字書 四 維耆多書 五 富沙書 一 天書 二 五龍鬼書 三 六健  
沓和書 七 真陀羅書 八 摩休勒書 九 阿須倫書 一 迦  
留羅書 二 瓢輪書 三 言善書 三 天腹書 一 風書 五 降  
天書 六 北方天下書 七 拘耶尼天下書 八 東方天下  
書 九 舉書 一 十 下書 二 要書 三 堅固書 三 阿陀呵書 一 得  
盡書 五 廾舉書 六 無與書 七 轉數書 一 八 轉眼書 九 門  
勾書 五 鄉上書 一 次近書 二 乃至書 三 度親書 一 中  
御書 五 悉滅音書 一 電世界書 七 馳父書 一 善寂地  
書 九 觀空書 一 切藥書 一 善受書 一 攝取書 三 皆

續

正明寺卷三

三

方五

嚮書 四太子謂師是爲六十四書欲以何書而相教乎時師選友歡然悅豫棄捐自大說此偈曰

難及真淨尊 在世興悲哀 悉學一切典

現入書校中 咸宣諸書名 吾不知本末

皆達此衆書 故復示入學 不敢觀其頂

唯覩人禮拜 云何令大聖 宣諸書衆數

天中天過天 諸天中最上 至尊無等倫

在世不可喻 以是威神故 嚴淨用善權

誰能及清明 皆度諸世間

時一萬童子與菩薩俱在師所學見菩薩威德建大

聖慧分別書字而宣之曰其言無者宣於無常苦空非我之音其言欲者出姪怒癡諸貪求音其言究者出悉本末真淨之音所言行者出無數劫奉修道音其言不者出不隨衆離名色之音其言亂者出除濁原生死淵音其言施者出布施戒慧明正音其言縛者出解刑獄考治行音其言燒者出焦燒罪塵勞欲音其言信者出信精進定智慧音其言殊者出超越聖無上道音其言如者出於如來無所壞音其言寂者出觀寂然法憺怕音其言沒者出消瞋癡諍訟之音其言作者出罪福報從行受音其言智者出一切

智慧無壞音其言魔者出降魔力及官屬音其言害  
者出棄自大邪見之音其言逝者出於正法無憒亂  
音其言止者出世俗力無畏之音其言生者出度衆  
苦老病死音其言意者出意堅強獨步三界音其言  
法者以法等御救濟周旋往反之音其言歎者出隨  
所願開化諸音其言難者出除八難罪殃之音其言  
盡者出於盡滅無所生音其言處者出消處所顛倒  
之音其言慧者出智慧聖無量礙音其言是者出歸  
善惡殃福之音其言有者出諸所行三有之音其言  
棄者棄諸所趣吾我詣音其言已者出已所趣善惡  
業音其言我者出滅身垢愛欲之音其言妬者出諸  
嫉妬等善惡返稱平等音其言數者出諸所數調無  
明音其言處者出處不處有限無限音其言若者度  
若干想衆亂放逸寂希望音其言果者證諸果實無  
所住音其言除者出不貪已除五蓋音其言邪者出  
邪疾患除憂惱音其言慧者出布施戒博聞之慧無  
望想音爾時菩薩爲諸童子一一分別諸字本末演  
如是像法門諸音在於書堂漸開化訓誨三萬二千  
童子勸發無上正真道意是故菩薩往詣書堂不從  
師受

0 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

坐樹下觀犁品第八

爾時太子年遂長大啓其父王與羣臣俱行至村落  
觀耕犁者見地新場蟲隨土出烏鳥尋啄菩薩知之  
故復發問其犁人曰此何所設答曰種穀用稅國王  
菩薩歎吒乃以一夫令民憂擾畏官鞭杖加罰之厄  
心懷恐懼忽忽不安人命甚短憂畏無量日月流邁  
出息不保就於後世天人終始三惡苦患不可稱載  
五趣生死輪轉無際沉沒不覺痛毒難喻入山成道  
乃度十方三界起滅危厄之患觀犁者已更入遊觀  
時菩薩遊獨行無侶經行其地見閻浮樹蔭好茂盛  
則在彼樹蔭涼下坐一心禪思三昧正受以爲第一  
時有外學五百神仙飛行虛空從南至北欲越叢樹  
不能得過定住不前遙見菩薩因共歎詠觀身功勲  
其德巍巍猶如須彌大金剛山如妙明珠安不可動  
像閻羅王鬼犍沓和耶今坐樹下心如虛空將是定  
坐爲何吉祥儻令我等失神足乎察見愍哀其大光  
耀明顯灼灼心自念言爲是神祇毗沙門天大財富  
者若是天子上天帝釋日月之明轉輪聖王也時虛  
空天卽說頌曰

色勝息天王 若是離怨天 若無量金剛

0 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

是尊爲丈夫 殊過諸天神 其光如月滿  
在世爲最上 是者不可限 此德不可量  
爲天健沓和 功勲明光光 增此億載行  
常退遠神足 將是世千眼 四方護天王  
須倫梵中尊 而孰衆吉祥 此者能堪任  
能坐如是節 觀之無等倫

爾時五百仙人聞虛空天所可歎詠卽下住地觀見  
菩薩禪思坐定身不傾動心不邪念卽大歡喜察於  
菩薩功德巍巍不可限量其德高遠不可爲喻天人  
之尊未會見聞宿命餘福今乃覩耳以爲欣慶卽說

頌曰

世興塵勞火 得道滅衆患 在世如須彌  
是能成道法 得勝除衆厄 尊行難如海  
得道染以慧 麋不得蒙度 解身之繫縛  
以逮成道法 悉能度脫之 不見魔境界  
時王羣臣及大衆人各各馳走欲見太子今爲所在  
遙見諸臣逐之隨後見閻浮樹下禪思定意於時日  
照樹曲覆菩薩身樹木一切曲躬向閻浮樹而稽首  
禮菩薩不移疾往啓王其光明相樹不可蔽暉日照  
樹傾覆太子身不能蔽相時王聞之往詣其樹卽見

0123456789 210123456789 210123456789 210123456789 210123456789 210123456789 210123456789 210123456789

經

菩薩威神吉祥巍巍無量時說偈言

如火在山頂

如月在衆星

現身樹下禪

威曜無不照

今復再稽首

禮導師之足

其初生之時

身自坐禪思

其身威神光

明徹普遍照

若見莫不悅

因是得濟度

於是太子啓王我適行來在近遊觀何以相追王問  
何故爾行答王諸臣欲除衆塵諸妄思想光明清淨  
執於相好坐禪三昧而不動搖降伏諸魔暗蔽悉除  
王曰善哉善哉其初生瑞應終不虛妄今皆現矣十

方蒙度

王爲太子求妃品第九

佛告比丘時白淨王與其太子及諸釋種住於彼間  
時諸力士釋種長者啓白淨王王欲知之是諸梵志  
未得究竟假使太子棄國捐王成爲如來乃得究竟  
設不出家爲轉輪王治以正法號曰法王然有七寶  
一曰金輪寶二曰紺色馬三曰白象四曰明月珠五  
曰玉女妻六曰主藏臣七曰主兵臣則有千子端正  
姝好勇猛傑異一人當千能伏怨敵若作佛者聖王  
種斷唯有散王各各稱名白淨王曰且當觀之何所  
玉女宜應太子妃五百諸釋各自宣言我當求之應

0123456789 210123456789 210123456789

太子妃其白淨王謂諸釋等今太子妃甚爲難得不知何女而可其意皆共集會思議此事以語太子今當思惟却之七日菩薩心念吾不貪欲不宜處家棄兜術天來在此間心無所慕寂三昧定以權方便而試當之勤親道場以無益哀而以勸之卽說偈曰

王種興致敬 火生長蓮華 菩薩養有力

億載化甘露 不捨興道味 無畏得真成

我心所慕樂 志無逸清淨 菩薩本在欲

善化悉見妻 不安樂愛欲 棘害學功勲

爾時菩薩使上工師立妙金像以書文字假使女人

德義形體面類若斯吾乃可之不用凡庶如吾所說乃能應娉耳其色顏貌如紫磨金內外相應身口不違心淨如空安徐光光不以放逸希言屢中慈心無害奉敬道義沙門梵志布施持戒乃爲我求不嫉不厭志性仁賢不失時節質直無詭專敬夫主不懷他意恒無放逸不在妊娠不卒懷子捐高自大事夫如婢不嗜酒不貪味不慕聲不愚冥消無明根知法住真諦不輕舉無有邪術常懷慚耻不惡口不呴詛常奉行法身口意淨言行相應心如下使多修慈愍不弄頭首不存愚憊無有恚恨在衆猶安而不迷惑所

作業善敬於親友視如世尊念彼如已流長名稱衆  
善普備常奉恭恪如是妻者爾乃可耳爾時白淨王  
聞菩薩言告占梵志入迦夷衛徧周諸家察好玉女  
誰有是德君子長者工師細民有如是比功勲備乎  
若可太子乃可迎耳所以者何太子不好種姓唯好  
德耳於是頌曰

君子梵志種 工師若細民 其有是德者  
乃可娉取耳 不喜好種姓 太子爲奇雅  
有至誠功勲 心乃樂如是

爾時梵志聞是偈教周旋遍行迦維羅衛家家占之  
適入一家覩一玉女端正姝好如天玉女容色第一  
淨猶蓮華不長不短不白不黑不肥不瘦正得女容  
類玉女寶於時其女禮占梵志而問之曰梵志何求  
梵志答曰其白淨王生真太子端正無比相三十二  
功德成神自手書偈形貌女相天人第一乃娉之耳  
於時彼女說此頌曰

梵志所宣偈 顯意所見色 梵志欲知之  
我悉有是德 應宜爲我夫 端正最難比  
白太子此事 勿與不肖會

梵志聞之還詣王所宣之如是天王省之將無宜耶

爲太子妃問曰誰女梵志報曰執杖釋種家生王自念言太子形貌與世超異面色清淨儻不可意使自擇之詣無憂堂皆集衆女使太子身自已察之菩薩自察悅者眼向時白淨王衆寶琦珍作好講堂皆名羅衛上好妙女會彼講堂佛語比丘於時菩薩往到講堂坐仁賢牀王遣使者菩薩所視顧眄悅者卽來告我爾時菩薩會諸妓女時釋家女名曰俱夷與諸妓女到菩薩所却住一面諦視菩薩目未曾瞬菩薩普察卽時欣笑執持寶瑛以遺俱夷俱夷報曰吾不貪慕衆寶瓔珞當以功德自莊嚴身太子還室歎未曾有今此俱夷解世無常不貪世榮時王使者往詣王所啓是本末向者太子意娶釋女俱夷王聞是語遣梵志往媒求此女爲太子妃執杖釋種言我等本姓有藝術者乃嫁與女太子有術明知射御手搏書數禮樂六藝備悉乃與女耳梵志卽還具啓白王王自念言王以是法告於菩薩菩薩啓王且止用是求爲王曰何以言止將無藝術乎論其正法而言且止太子報言所可應者皆能爲耳王問菩薩藝術云何菩薩曰此間寧有奇異妙術與我等耶將來覩之王卽時笑能現術乎菩薩曰能請會一切諸釋親族當

共現術王勅侍者徧令國中撞鐘擊鼓却後七日太子現術諸有藝術皆來集會諸釋親族七日之中五百人會藝術勝者以執杖釋女而娉與之戲射手搏最第一者當得是女皆出城門於是調達手牽執象來入城門見諸釋集欲現其術卽以右手牽象頭左手持象鼻撲地殺之于時賢難陀與諸等類共出城門見於大象當路而死問誰殺乎答曰調達害之卽時牽移著于路側於時菩薩尋出城門見此死象因住問曰誰殺此象侍者答曰調達害之菩薩復問誰復移之著于路側答曰仁賢難陀答曰大佳是象身大如是臭爛普熏城內卽以右手接擲置城外去灑極遠時諸天人無數百千稱揚洪音皆言快哉快哉虛空諸天而讚頌曰

手執大白象 以死身至重 櫛棄於城外  
離塹極大遠 此必爲至聖 平等離垢身  
逮成一切智 以聖力常存

時五百釋宗族皆至城門在於寬處集會欲現技術時白淨王與諸大力宗族諸釋至現術處時無數衆侍從菩薩欲觀其術藝斯釋宗族前見菩薩在於書堂嗟歎宣說六十四種書其師選友覩之甚怪謂未

會有天上世間無有是術諸鬼神龍阿須倫等無能逮及覩其藝術者此真聖人也以度無極一一解字義理本末無一疑滯其聞見是德過釋梵日月諸天我等目覩道術如是誰能過者諸釋宗族報衆人曰菩薩雖入書堂悉知書數計校衆術其見者鮮今會大衆一時來集此中試勝能爲顯雅衆人觀見知爲誰勝乎

### 試藝品第十

爾時有大臣名曰焰光釋中大臣也計校筭術最爲第一所度無極王立此人汝且觀之何所太子爲最勝耶於時菩薩觀察諸釋及國王子有數百人一擲戲不及菩薩菩薩報曰汝等且止我當擲之時一王子來共擲戲亦不能及至五百人皆不能逮時諸會者舉聲歎曰若抗一辭至未曾有況無數藝所言殊特言辭談論不可究竟焰光大臣雖能計校言談筭術亦不能及其迦維越樹木藥草衆水滴數一切可知擄捕六博天文地理八方異術天崩地動一切諸術不比菩薩前知無窮却覩無極六通三達誰能載乎諸天人民虛空天神舉聲歎曰三界衆生心中所念諸可思想善惡禍福道俗衆事發意之頃悉知

0 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

本末無一躡礙歌舞妓樂無事不博以忍辱慈道力  
仁和從百千劫所作輕便獨遊三世猶如日光周旋  
四域菩薩如是心無疑難虛空之中諸天復歎是大  
丈夫無極至聖汝等唯見在家所爲且聽我言發意  
之頃往來十方無數億國皆來供養亦復奉禮十方  
導師雖現往來亦無周旋汝等意謂神足乃爾誰能  
覩知是無等倫獨行隻步以是之故咸皆奉敬菩薩  
最勝諸釋報言能解是者色欲皆淨一切本無於是  
菩薩一意悉見覩其本末時諸釋族種姓悉共集會  
欲試手搏調達在世常自貢高自謂爲可不肯折伏  
常與菩薩共諍威力一切來者覩之超異右達稽首  
歸禮大聖調達及難陀故欲手搏於時菩薩安隱庠  
序愍念之故舉調達身在於虛空中三反挑旋菩薩  
大慈無所傷害徐著地上使身不痛卿等貢高不捨  
自大咸皆來集一時與我共行手搏諸有技藝悉來  
集會菩薩勢力適以手觸自然墮地時諸天人無數  
億千及虛空神宣揚洪音讚言善哉善哉菩薩超絕  
無能及者兩諸天華異口同音而重讚曰假使十方  
一切衆生皆爲力士一時伏之何況斯等菩薩忍辱  
如須彌山過於鐵圍無能動者若以手持十方諸山

0 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

須臾碎之如塵如灰何況凡夫今顯此力不足爲奇  
是爲俗力未爲道力爲極最上第一降伏諸魔及與  
官屬必當逮成無上正真之道爲最正覺顯是功德  
菩薩最勝執杖釋種見於菩薩大德無量擲象手搏  
當世少雙爾時國王及諸釋種更欲試射時調達堅  
四十里准難陀准六十里菩薩百里時調達射中四  
十里鼓不能得過難陀六十里准亦不能越執杖釋  
種亦四十里皆不能過於時持弓授於菩薩菩薩引  
弓弓卽折破菩薩又問於是城中寧有異弓任吾用  
不王卽言有問在何所王曰昔吾祖父名曰師子所  
執用弓奇異無雙身歿之後無能用者著於天寺時  
菩薩言便可持來持來授之執杖釋種一切諸釋無  
能張者以授菩薩菩薩在坐以手捺張彌弓之聲悉  
聞城內百千國人虛空天子舉聲嗟歎而說頌曰  
不起于座上 卽時張此弓 如是具諸願  
必逮成天尊

於時菩薩執弓註箭卽時放發中百里鼓而穿壞之  
箭沒地中涌泉自出箭便過去中鐵圍山三千大千  
刹土六反震動一切諸釋怪未曾有虛空諸天咸嗟  
歎言至未曾有如是妙術清淨至真諸菩薩中最爲

殊特於時執杖釋種以女俱夷送詣白淨王宮爲菩薩妃隨世習俗現相娛樂妓女八萬四千俱夷爲尊時妃俱夷無增減心臥常覺寤初不睡眠在於宴室寂寞思惟將無捨我耶妓女侍衛恒圍遶之於是頌曰

數千人侍身 思惟尊在不 以威德至誠  
處中猶在火 常思護諸根 其意不樂餘  
如日震光明 不用無數問

菩薩在宮妓女之間開化訓導八萬四千女發無上正真道意逮不退轉三萬二千天卷屬圍遶  
於無上正真道意而不退轉三萬二千天卷屬圍遶往詣菩薩所止宮殿住虛空中因說偈言

人師子見生 没來忍名聞 隨俗在中宮  
在世所教化 訓無數天人 雖在於世俗  
今日正是時 應當出家去 衆縛未得解  
不貪入見道 當究所應度 爲盲冥現路  
俗慕妻子財 榮祿諸所有 見尊學習之  
必當得出家 棄四域七寶 娛樂尊豪位  
以見出家業 遊行師子座 既知行安隱  
不慕諸愛欲 生來以大久 得道爲天人

0

1 2 3 4 5 6 7 8 9 200

1 2 3 4 5 6 7 8 9 200

1 2 3 4 5 6 7 8 9 220

稽首爲歸命 猶如山河水 當出家爲佳  
 常興殊勝行 金色雖妙好 端正旣第一  
 興光應捨國 宜益諸天人 不以樂五欲  
 可致於差特 聖慧能充滿 度世賢聖業  
 尊意所慕樂 白淨王宮中 漸捨如蓮華  
 思惟當棄去 塵勞火熾盛 應離諍刑獄  
 仁威爲無上 速立解脫道 仁了惠界久  
 觀衆生疾患 以法爲醫藥 建立泥洹安  
 爲消盲冥路 繩痴種邪網 疾化諸天人  
 施智慧道目 顯示無央數 天龍須倫神  
 已得成佛道 逮聞無上法 以濟禽獸王  
 其光照宮殿 降伏往稽首 及今四天王  
 普爲惟歸伏 當欲奉四鉢 成佛得所願  
 梵天行寂然 觀慈大愍哀 勸助人中尊  
 喜護於一切 轉無上法輪 以得至佛道  
 坐於佛樹下 觀察極名稱 當覩覺成道  
 及餘諸菩薩 宮中見造議 爲衆普告首  
 爲衆最後安 已宣柔軟音 念定光授決  
 至誠無虛妄 暢最勝音響

### 普曜經卷第三

音釋

徵古爭切

瑛於驚切

麗玉寶

邁莫敗

切

曉計

境也

之有光者

麗盧谷

邁莫敗

切

曉計

猶切

姪汝鳩切

夫人匹竟切

盼擣丑

切

搏擣居切

蓬蒲切

跋利切

捺乃曷切

拚補耕切

切

蹠顛蹠也

博咸也

蹠利切

捺乃曷切

拚彈也

切

福建興泉道叅政烏程沈演施貲

刻

普曜經第三卷計六千六百五十字該銀三兩

刻

三錢四分

武林釋大能對

刻

萬曆己酉歲秋

刻

錢李淵書進賢傳汝益刻

刻

經仙寂照庵識

刻

普曜經卷第四

懶門

西晉三藏法師竺法護譯

四出觀品第十一

佛告比丘時諸天人勸發菩薩父白淨王寐夢覩見菩薩出家樂於寂然諸天圍遶又見剃頭身著袈裟時從夢覺卽遣人問太子在宮不侍者答曰太子在耳時白淨王入太子宮今觀太子必當出家所以者何如我於今所見變應心自念言太子將無欲行遊觀當勑四衢嚴治道路學調妓樂普令清淨却後七日太子當出使道平正莫令不淨勿使見非諸不可

意卽時受教皆當如法嚴治已竟懸繒幢蓋兵衆圍  
遶導從前後於時菩薩出東城門菩薩威神之所建  
立於時諸天化作老人頭白齒落目冥耳聾短氣呻  
吟執杖僂步住於中路菩薩知之故復發問此爲何  
人頭白齒落羸瘦乃爾御者答曰是名老人諸根已  
盡形變色衰飲食不化氣力虛微命在西垂餘壽無  
幾故曰老矣菩薩卽曰是則世法而有此難一切衆  
生皆有斯患人命速駛猶山水流夙夜逝疾難可再  
還老亦然矣不亦苦哉一心專精思惟正義御者答  
曰不獨此人遇苦患也天下皆爾俗之常法聖尊父  
母親里知識皆致此老咸同是業菩薩時曰不解句  
義愚人自大不覺老至自投塵埃便可迴還用是五  
樂不益於事目覩如幻空中之電還入宮中思惟經  
典愍念十方宜以法藥必療治之菩薩後日復欲出  
遊王勅外吏嚴治道路去諸不淨菩薩駕乘出南城  
門復於中路見病人水腹身羸盱于道側氣息張  
口命將欲絕菩薩知之故復發問告御者曰此爲何  
人御者答曰此名病人已至死地命在須臾骨節欲  
解餘壽如髮菩薩卽曰萬物無常有身皆苦生皆有  
此何得免之吾身不久亦當然矣不亦痛乎有身有

苦無身乃樂卽還入宮復於異日報王遊觀王勅外  
吏嚴治道路太子駕乘出西城門見一死人著于牀  
上家室圍遶昇之出城枝淚悲哭椎曾呼嗟頭面塵  
垢淚下如雨何爲棄我獨逝而去菩薩知之而復問  
曰此爲何人御者答曰此者死人人生有死猶春有  
冬身死神逝室家別離人物一綻無生不終菩薩答  
曰夫死痛矣精神劇矣生當有此老病死苦莫不熟  
中迫而就之不亦苦乎吾見死者形壞體化而神不  
滅是故聖人以身爲患而愚者保之至死無厭吾不  
能復以死受生往來五道勞我精神便迴車還思度  
十方復於異日報王出遊出北城門見一沙門寂靜  
安徐淨修梵行諸根寂定目不妄視威儀禮節不失  
道法衣服整齊手執法器菩薩問之此爲何人御者  
答曰此名比丘已棄情欲心意寂然猶如大山不可  
傾動難汙如空屈伸低仰不失儀則心如蓮華悉無  
所著亦如明珠六通清徹無一蔽礙慈心一切欲度  
十方菩薩卽言善哉唯是爲快是吾所樂心意寂靜  
自愍度彼善業快利成甘露果佛告比丘父王白淨  
觀菩薩行見聞如是不慕世榮心如虛空而心懷怖  
慄畏之出家宿夜將護高其牆壁深掘諸灘更立城

門開閉之聲聞四十里立諸宿衛勇猛之士被鎧執  
杖於四城門皆勑衆兵勿有遺漏將無太子捨吾出  
家於其宮裏亦宿衛之益衆妓人妓女娛樂令太子  
悅不懷憂戚又其菩薩宿積智德在胎中時威神吉  
祥夢中所見功勳大祚十方自然有蓋悉覆三界逮  
得安隱開化一切滅諸惡趣於四衢路有四色鳥變  
爲一色見諸不淨徑行其上而不汙足又有大水汎  
汎盈溢衆生欲度而不能越心懷恐怖卽過度之見  
無數人皆被疾病無有醫藥卽爲療治無央數病使  
無諸疾自見其身坐師子牀天人在上又手稽首見  
在戰鬪降伏怨敵無數諸天在空中侍真正聖人夢  
中見此清淨吉祥行正具足天人聞之心懷悅豫不  
久成道爲天人尊於是菩薩則作此念假使我身不  
見辭王而出家者便爲不應則時靜夜自出宮堂入  
王宮殿悉觀殿堂而無所礙光照遠近王覺見光卽  
時遣人觀四城門將無出去何故大光明照遠近侍  
者來白天尚未曉日亦未出自然光明照諸牆壁樹木  
飛鳥鳬鴈孔雀鴛鴦相和而鳴方欲向明是光第  
一柔軟安隱清涼和雅牆壁樹木永無有影至德於  
是在彼思惟觀於四方坐見窓牖時有諸天人卽起

欲去不得自在顧省其父知之覺起立啓父王勿懷  
愁感勿以遠慮諸天勸助今應出家唯恐過罪安已  
護國父王聞之悲泣垂淚而問之曰何所志願何時  
能還與吾要誓普施志願吾以年朽家口無嗣菩薩  
卽時以柔軟辭而啓王言欲得四願假使聽我逮得  
自在得是願後不復出家何謂爲四一者欲得不老  
二者至竟無病三者不死四者不別神仙五道雖住  
一劫不離於死假使父王與此四願不復出家王聞  
重悲此四願者古今無獲誰能蠲除此四難者子如  
師子勸助愍哀普度衆生具足如意所願者得於是  
菩薩自出宮殿一心住立無有覩見往來周旋於時  
父王明日卽起朝會諸釋以是告之太子必出捨國  
學道當何施計諸釋答曰當勤將護所以者何諸釋  
部黨衆多無極雖復力強何能獨出時白淨王勅五  
百釋勇多力者有方便計使五百兵普學諸術令大  
力士住守東城門宿衛菩薩一一釋者從五百兵一  
一車乘五百人從宿衛菩薩四門俱然諸四衢路里  
巷諸門亦復俱然父王已身與五百釋前後圍遶象  
馬車乘住已宮門晝夜不眠時大愛道自告侍從宿  
夜然燈燒香勿得眠寐今者離垢不樂在宮必欲出

0

1 2 3 4 5 6 7 8 9 200

210

1 2 3 4 5 6 7 8 9 220

家悉共遮護勿得使去作諸妓樂令心樂之堅閉門  
戶勿令妄開嚴諸縉旛彫飾窓牖林樹果實悉令目  
覩假使欲去慕樂此供或能不出佛告比丘於是卽  
時二十五鬼神將軍及般遮鬼將軍鬼子母五百子  
等悉共集會各各議言今日菩薩棄國捐家我等咸  
共侍從供養又四天王一時普告諸鬼神界今日菩  
薩棄國捐王汝等殷勤侍從供養其鬼神衆皆捉五  
兵勢力堅強猶如金剛不可毀壞精進勇猛將護衆  
生其身高大如須彌山將無惡物犯於云 徒釋梵焰  
天兜術天無慢天化自在天各勅官屬無數百千前  
後導從華香妓樂香汁灑地侍從菩薩釋梵天王侍  
在左右時有天子名曰寂意我當將護迦維越國一  
切男女大小勸安和之又有天子名曰光音卽自說  
言我身當化一切象馬車乘男女所暢音聲沒使不  
聞令人心寂靜而無所念復有天子名曰清淨我在  
虛空立七寶路懸垂一切日月明珠照曜光光設繒  
旛蓋散華燒香嚴治途路侍從菩薩伊羅末龍王言  
我當化作三萬八千里交露之車使諸玉女皆坐其  
上作衆妓樂侍從菩薩而供養之天帝釋曰吾將眷  
屬菩薩前導法行菩薩曰吾當興起紫磨金雲雨栴

檀香皆徧天下和鄰龍王摩難斯龍王散拘龍王阿  
耨達龍王難頭和難龍王各自說言亦當興起紫磨  
金雲當雨微妙栴檀名香如是比丘天龍鬼神捷沓  
和等心常懷願欲得聽省菩薩正道所思惟法慕樂  
安隱入於宮內思念過去諸佛所行愍傷衆生本行  
道時不捨四願以至純淑何謂爲四本學道時設成  
正覺逮一切智被弘誓鎧衆生困厄被衆惱患吾當  
濟脫生老病死三界之縛倚在世俗周旋衆難使至  
寂然令無恩愛是第一願衆生沒在無明杳冥悉無  
所知愚癡暗昧生穢濁想當爲顯示如清淨眼内外  
無限是第二願衆生在世立自大幢當計吾我而意  
貪身尊已賤彼心存顛倒處諸邪見無常謂常不慕  
聖道墮於三業皆當開化令人正真是第三願衆生  
沒在生死之患輪轉無際滅智慧根迷惑五趣不能  
自濟當爲說法令得度脫是爲四願吾往古時立是  
四願今已得之不可違捨以故出家成就正覺度脫  
十方爾時法行天子淨居天子來入宮殿自現形像  
娛樂之形無常之變住於虛空時爲菩薩說此偈言  
天子在空歎 覺蓮華寂明 云何在五欲  
大聖當捨家 受我所勸助 當觀於後宮

觀諸迷惑衆 如在死人間

出家品第十二

於時菩薩普觀眷屬視衆妓女皆如木人百節空中  
 詐如芭蕉中無有實亂頭倚鼓委擔服琴更相荷杖  
 臂脚垂地鼻涕目淚口中流涎琴瑟筆笛樂器縱橫  
 鳩鵠鴛鴦警備之輩皆悉淳昏而卧菩薩徧觀顧視  
 其妻具見形體髮爪腦髓骨齒觸體皮膚肌肉筋脉  
 肝血心肺脾腎肝膽腸胃屎尿涕唾外是革囊中有  
 臭處無一可奇強熏以香飾以華綵猶假借當還亦  
 故曰貪淫致老瞋恚致病愚癡致死除此三者乃可  
 得道一切所有皆如幻化三界無怙唯道可恃於是  
 頌曰

見彼興慈愍 歎息發大哀 是世毒痛難  
 何因樂愛欲 懷憂憐愚冥 欲苦反謂安  
 捨貪樂智慧 不捨不得安

於是菩薩以斯法門察於後宮興發大哀而爲雨淚  
 心甚愍之癡人有三十二察於衆生患者迷惑爲此  
 所害生於八難所見惡染猶如畫瓶毒滿其中愚者

不解謂之甘露愚者惑中駛水漂蒙愚者樂之如飲  
毒水愚人處是如犬敵骨愚人墮此如人入煙愚人  
貪惡如墨塗衣愚人厄此如鳥墮網愚人見挽如屠  
牲畜愚人近此不見來難愚人沒此如老牛溺泥愚  
人投此猶若破船沒於大海愚人墮此如盲投谷愚  
人不得限如淵無底愚人燒此劫燒天地愚人迷此如  
輪無際愚人宛轉如生盲入山愚人馳逸此若狗縛  
頸愚人消此冬燒草木愚人日損如月十五日後愚  
人伏此如諸小龍遭金翅鳥愚人遭此如摩竭魚吞  
於大舟愚人惱此如賈遇賊愚人摧此大樹被斫愚  
人憂此如遇毒蛇愚人樂此如蜜塗刀與小兒舐之  
愚人惑此火燒枯樹愚人遇此嬰兒弄屍愚人爲此  
轉如鉤枷象愚人盡德本如博失財功祚消化愚人  
見棄如放逸賈墮於姪鬼是爲三十二事觀於後宮  
察諸婦女不淨之想自罵已身坐身患害勿復貪身  
莫念是意入於空淨心無所著於是頌曰

從頭觀至足 察之無一淨 勿得貪其身  
是爲罪福田 以故當遠身 淚涕唾惡露  
由此莫戀之 行淨如蓮華 葉若干不淨  
興平等調定 以知諸毛孔 如蟲不可慕

0 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

其身猶如象 骨髓肉血合 筋脉皮裹之  
髮毛諸爪齒 有八十種蟲 凤夜食其體  
若有明智者 終不計有身

佛告比丘菩薩觀身心思若斯諸欲界天住於虛空  
皆見菩薩所可思惟法行天子遙白菩薩言唯然大  
聖何以稽遲時已到矣於時菩薩察於後宮見其心  
意諸根無常知身不久猶如流水逝而不返欲人所  
行計有吾我何有吾我執取深奧無極道因乃爲第  
一觀正境界慕樂聖安計吾我者自謂尊貴心無所  
倚乃應行道法行天子又復白言不以是行得成至  
佛現在行道所修甚難當察已身等之山谷是則究  
竟菩薩大士一生補處於時菩薩所作暢達其心堅  
住覺意已了思惟心悅咸來奉事捨衆塵垢外無恭敬  
其順道訓念念安隱淡若淨水卽從座起心中悅  
豫觀察前衆則以右掌披寶交露帳上講堂上又其  
十指念十方佛而遙禮之觀虛空中諸天百千皆來  
圍遶散華燒香雜香擣香衣服旛綵手執幢蓋諸供  
養具曲躬作禮見四天王鬼神羅刹健沓和等諸龍  
王衆皆被鎧甲棄不吉祥淨諸惡行垂諸瓔珞稽首  
菩薩日月宮殿諸天子等住其左右各執華香旛綵

幢蓋夜已向半爾時菩薩告車匿曰遠起嚴被白馬  
今日人尊宜吉祥時應當出去車匿聞之心懷憂感  
淚下如雨所行平等光明清淨猶若師子今若欲行  
願見告示面色端正如秋月滿顏貌和悅無有瑕短  
所覺清淨猶若蓮華音聲和雅明珠火光衆曜晃昱  
寶瓔珞身心如虛空如鹿中王行如鴈王獨步無難  
衆皆從之今欲若行於是菩薩復告車匿欲得白馬  
宿本所行當致上尊妻子恩愛財寶重業則是牢獄  
古今遠之身所不樂唯欲護戒奉行恐辱修精進力  
禪定智慧是心所樂從無央數億百千劫所可奉行  
志慕成道斷生死原正慧巍巍開化衆生從是以來  
不樂榮祿唯志大道於是車匿聞大聖言初生之時  
天帝釋梵上帝自下示現稽首卽時決此王問云何  
阿夷答曰今は太子一相百福威神光明無能逮者  
若在家者爲轉輪王主四天下若不樂世棄捐國土  
作沙門者則成佛道斷生老死以法教化無有放逸  
車匿白曰唯如聖教爾時寧聞五欲樂乎答曰不也  
從天尊意造無量行我生愚冥無所識知畜養鬚髮  
爲身作患增益罪蓋強忍勤苦菩薩告曰諸天世人  
皆持香華現在目前悉來集會立神足力以用侍吾

0 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9

車匿白曰今此園觀常生華實若干品鳥相和而鳴其浴池中青蓮芙蓉蓮華清淨街路平正諸寶樹木修治莊嚴八行交道寶交露帳夏月快樂遊戲其中奇巧異樂歌舞戲相娛悉奉禁戒所言至誠從太子生常順其意不越其教年既幼少面色光澤頭髮正黑能可人意唯當樂此生世如是何爲捨去於時菩薩復告車匿車匿且止是欲無常不可久保如是別離猶如川流逝而不返不可久保是狂惑業猶如空拳欺於嬰孩羸弱無固猶如泥坯不可恃怙如空中電須臾已滅又此境界無有真實愚冥之士以此爲安而見侵欺如水上泡適起便滅處在顛倒亦如聚沫幻化卧夢五樂無足猶海吞流渴飲鹹水增其疾患欲之無常唯智能覺愚人不解猶盲投谷車匿當知欲沒無擇餓鬼畜生由不善行失清白品增魔境界怨結鬪諍憂惱苦患與姪鬼會覺者捨近明者遠之達者消之無智習之如雜毒食諸佛所毀知習聖教於是頌曰

捨如棄惡瘡 割之如去糞 見斯故興欲

棄捨常快安

告車匿被馬品第十三

於時車匿白菩薩曰雖曉了是不貪世榮尚可顧意  
慕念瓊珞諸寶文飾濟脫自在不復觀察名德遠照  
綠竹衣樹音聲和雅笙箎數千鼓衆妓樂好施危厄  
音如哀鸞降如真陀須曼青蓮及思夷華磬香甘美  
燒諸名香雜香塗香甚快微妙飲食餚餚酥蜜石蜜  
百味之供云何欲捨五樂之欲是吾所欲猶如天上  
常在永安爲釋尊位菩薩告曰從無數劫棄捨此事  
愛欲之本色聲香味細滑之法數數往反天上世間  
厭樂豪貴爲轉輪王千子七寶遊四天下榮位無常  
如夢所見處後中宮媛女之間以用不甘還上諸天  
及兜術宮不果吾志故捨彼來況此弊欲而貪之乎  
今自察之住在苦惱生死衆難不淨之中所行無度  
而有衆患生老病死酷毒恐怖積累功德每生自責  
建立法船布施持戒忍辱精進一心智慧心如金剛  
已成大舟矣以度生老病死四瀆之難愍念衆生迷  
護一切衆邪異見令得悉度救諸下劣使住彼岸無  
生老病死時車匿益悲白菩薩言故當住此決了進  
退菩薩告曰聽我決了愍傷衆生欲度脫故其心堅  
住如須彌山而不可傾車匿又問正士云何菩薩答

曰強如金剛所行清淨勤修顯耀假使大棒破壞我  
頂終不退還慕於世榮應時諸天在於其宮聞此言  
教舉聲歎曰善哉善哉而雨天華第一最上得勝得  
勝爲衆船師人中之尊心無所著亦無恐懼消除暗  
冥塵勞煙種無邪境界其心永安若堅牢船必度彼  
岸佛告比丘寂意天子耀淨天子虛空中住城中男  
女聞菩薩決疑如是悉共悅豫歎曰善哉皆自還去  
于時菩薩見城中人皆悉眠寐察欲夜半卽時起立  
拂星適現知時可出卽勑車匿起被白馬捷陟菩薩  
適宣說此言卽時四天王聞菩薩教尋時便至迦維  
羅衛大城中庭住供養菩薩提頭頰吒與無數億百  
千捷沓和皆被甲冑從東方來住東方界稽首菩薩  
鼓衆妓樂在於虛空毗留羅又天王與無數億百千  
鳩丸皆被鎧甲從南方來住南方界稽首菩薩鼓衆  
妓樂在於虛空毗留羅又天王與無數億百千龍俱  
各垂寶瓔從西方來住西方界稽首菩薩天帝釋梵與  
王與無數億百千闍叉手執焰光明珠威耀晃晃身  
被甲冑從北方來住北方界稽首菩薩天帝釋梵與  
無數億百千諸天手執華香雜香擣香華蓋幢旛來  
住虛空稽首菩薩於時車匿聞菩薩言流涕交面白

菩薩曰唯賢聖子知時識宜今夜非時也菩薩告言  
今正是時所以是時吾從久遠長夜求願爲諸衆生  
顯示道路今可樂時當度衆生適得閑靜於是頌曰  
天王住虛空 天帝釋亦然 焰天及兜術  
無慢化自在 和輪那斯龍 海龍阿耨達  
咸來欲供養 見佛時出故 色界諸天人  
修寂常行禪 是等來供養 三界普自歸  
開士十方來 等昔以造行 欲見勝出家  
隨侍而奉事 無極大功勲 金剛掌住空  
被鎧力精進 心堅動海水 日月諸天子  
善住其左右 靚寂然出家 又十指爲禮  
勸喻諸天子 其大精進興 察衆苦惱法  
當演清和音 諸吉皆諧偶 勤恭時以至  
吾亦與尊俱 無礙必善住 沸星已出現  
已化微妙體 力勢衆住前 皆欲共侍從  
菩薩從座起則住空中猶若鴈王城中男女皆疲極  
寐鳥鴈鴛鴦孔雀赤觜異類衆鳥亦疲極寐不見衆  
色象馬騎步諸釋族姓兵仗宿衛諸帥僚屬亦皆淳  
寐於時梵聲其音柔軟響若哀鸞夜已至半重告車匿  
匿言善哉車匿急被捷陟敬奉吾身勿復稽留車匿

重悲淚下如雨今人中尊爲欲所至門閉下鑰誰當  
開者天帝念知卽時開門車匿見之心歡悅豫乍悲  
乍喜誰爲我伴當作何計當復如行於時四神卽捧  
馬足其四部兵勢力難當嗚呼大王太子已去何以  
不覺明日俱夷當復辛苦吉祥微妙今不現矣於時  
菩薩思其本宿謂車匿言善哉車匿以被白馬箜篌  
樂器俱時而作車匿觀空離垢諸天來無央數諸菩  
薩衆而供養之察天帝釋自然開門覩諸鬼神及阿  
須倫真陀羅摩休勒自然開門車匿聞諸天語卽報  
天言今見菩薩衣毛爲豎猶如師子體紫金色當持  
功勲等如江海此諸天力禪師來久以見勸許卽當  
出去是其本願所興吉祥施安衆生成已道義於時  
其地六反震動面如滿月從空座起道德名稱解心  
清淨天帝毗沙門天王而在前導放淨光明普照天  
地滅衆惡趣衆生安隱消諸塵欲而雨衆華鼓億天  
樂諸天咨嗟前後道從有天名最上淨在大聖前又  
手自歸舉蓮華目而啓談言哀度衆生甚爲巍巍本  
性明冥悉以空虛吾無所樂多所哀念眷屬後宮不  
復重聞吉祥之音其無量音今已逝矣不覩天衆不  
察最勝不復聞香以消愛欲棄塵勞山無復衆垢逮

0 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9 210

得究竟本無宮殿今無欲想奉行慈心離衆罪蓋無復殃釁懷抱精神一切具足不慕衆香今日光光身  
心平等妙如神仙言說本末在家聖王令弱者強顯  
真名稱斷是王種而復亡失無極釋性消大福祚願  
令我尊在所至趣離垢無塵愍慈行哀觀見宮殿妙  
音已逝不復還入迦維羅衛無有放逸盡生死原不  
復坐起經行國中唯詣佛樹無老病死至甘露道於  
是菩薩旣出家去爲衆生故又無所行亦無所住不  
慕婬女爲得大勝是大福田爲功祚地常行慧藥無  
數億劫積累德行布施持戒博學廣聞菩薩慈行戒  
禁清淨行無所犯不迷愛欲忍辱仁和段段解身不  
以懷恨愍哀衆生精進無懈無數億劫積集道業祠  
祀百千恒修禪定心意寂然消衆塵垢自伏其心慧  
無罣礙而無想念其心解脫濟脫億載行慈愍哀以  
度無極奉行清淨分別喜護爲是真正天中之天應  
奉事之清淨無垢心如明珠擁護恐難天眼無極厄  
者受歸病者爲醫在諸國土爲大法王千眼中帝照  
諸迷惑身意休息興道威耀捨心怨結勇消諸塵在  
衆最勝無能逮者如師子步而無所畏如龍調心降  
雨以時導衆如牛以棄怨結如月盛滿光明遠照如

日始出猶如大炬消滅衆冥喻如蓮華不著泥水德  
香微妙不動如山導衆瞋恨降伏身魔欲魔死魔天  
魔爲大導師迷失路者說入正道不久成佛斷生老  
病死度諸暗冥療衆惡瘡嗟歎正真不可限量顏色  
光澤建立功勳所嗟歎德令我如佛於是菩薩稍進  
前行覩五道神名曰奔識住五道頭帶劔執持弓箭  
見菩薩來釋弓投箭解劔退住尋時稽首菩薩足下  
白菩薩曰梵天之際天王見勑守五道路不知如之  
愚不敏達唯告意旨菩薩告曰雖主五道不知所歸  
無原所從來五戒爲人十善生天慳墮餓鬼祇畜畜  
生十惡地獄無五趣行便歸人本不慕五趣無以五  
陰三毒六衰則是泥洹不處生死不住泥洹便不退  
轉受菩薩決無所從生靡所不生於諸所生悉無所  
生卿持俗刀五兵宿衛吾執智慧無極大劔斷五趣  
生死皆至本原無終無始永安無形奔識心解逮不  
退轉無限天神皆發道心於是菩薩勇猛捨家適出  
城門迦維羅衛一切群衆知太子去各各共談而歡  
喜悅俱夷明日從寐起已遙聞衆言覺知已去聽大  
聲響卽察求之不見菩薩宣大音響菩薩及馬車匿  
王心感絕自投於地舉聲稱怨嗚呼一子勸化宮中

大小歡悅捨無數衆今爲所到永絕我望何所恃怙  
四域天下當何所依俱夷墮牀宛轉在地自搊頭髮  
斷身寶瓔何以痛哉是我導師依怙如天而棄我去  
用復活爲恩愛未久便復別離淚下如雨不能自勝  
嗟歎太子顏貌殊妙心淨無垢清如深淵內外明好  
莫不敬重訓教真正靡不吉祥咸共歸命今捨我去  
爲何所至未曾放逸不爲馳騁爲天地主執正真道  
釋其沐浴莊嚴天服遠逝暴露興立行業不見菩薩  
無不懷感國中樹木尋時虧落無諸華實諸清淨地  
悉生塵垢無復衆好仁尊所見衆音妓樂柔軟音響  
象馬車乘其虛空中莊嚴香瓶華香妓樂繒綵幢蓋  
至德已逝悉不復現柔軟至誠第一難遇俱夷歎息  
淚下交集人中之尊宿世積德悉達本末欲度衆生  
生老病死又彼大聖修百千德慧不可踰於時車匿  
夜送菩薩菩薩脫衣寶瓔珍以付車匿持是還國  
啓白父王及以舍妻吾身棄國不慕世榮不好天地  
唯道是本若成正覺復當來還宣是經典以法相度  
使心寂靜不慕世榮車匿聞之淚下如雨稽首作禮  
人中聖慧願以告我白馬跪地舐菩薩足車匿白言  
王及妃問將大功勲爲何所至當報云何菩薩答曰

是卿所覩復何所問與車匿辭菩薩悅豫與恩愛別  
辯慧無量遂進前行逢兩獵師心自念言吾已出家  
不與俗同脫身所服貿鹿皮衣著之而去車匿取衣  
及寶瓔珞牽白馬還至遊觀園園監見之悲喜交集  
不覩辯才寂然之故今此車匿取太子衣衆寶瓔珞  
及白馬還不當復憂其王聞之與諸群臣眷屬圍遠  
行至園觀亦懷悲喜俱夷心望菩薩當還不覩行來  
心疑不信菩薩當去聞車匿言菩薩啓父及謝舍妻  
得佛道已乃當相見王覩寶衣車匿白馬而獨來還  
不見太子自投墮地嗚呼阿子明曉經典衆奇異術  
無不博達今爲所至棄國萬民車匿說之我子菩薩  
爲何所遊誰爲開門其諸天人供養云何車匿白曰  
唯王聽之我在常處晏然卧寐城門已閉於時菩薩  
以柔軟音告我言車匿疾被白馬城中萬民時皆眠  
寐悉不聞語我時悲泣被馬牽授天帝開門其四天  
王勅四神捧其馬足諸天百千天帝釋梵以侍送之  
嚴治道路校飾虛空演大光明散華燒香諸天妓樂  
同時俱作涌在虛空諸天圍遶以侍送之去是極遠  
脫衣寶瓔及以白馬遣我還國啓王謝妃必成佛道  
乃還相見勿令愁憂於是俱夷聞車匿言益用悲哀

0123456789210123456789210123456789210123456789210

抱白馬頸以哀歎曰太子乘汝出何以獨來還念前  
 娛樂百種嗟歎懷感歎言嗚呼痛哉莫不離別勢力  
 堅強顏貌殊妙在於衆中如月盛滿相好莊嚴威神  
 巍巍須臾相仰便復別去聖無等倫云何相捨功勳  
 難量名稱普至咸共奉敬堅住如山伏諸怨敵音聲  
 柔軟猶如哀鸞過於梵天積功累德無能喻者遠近  
 哇歎聖衆神仙莫不悲戀生憐憐樹爲第一上口演  
 甘露音聞十方雖在衆欲無所染著猶如虛空所施  
 清淨柔軟如乳白毫天中聖體滑澤淳和安隱手足  
 柔軟嚴好巍巍爪如銅色以德嚴身莫不奉敬在於  
 宮中妓樂盈音華香飲食不以爲悅心無增減嗚呼  
 車匿無有仁慈將至所在而獨來還俱夷一口獨歎  
 菩薩無數千言重歎菩薩導化一切云何獨去誰復  
 將行出此國土何故與諸天俱我獨辛苦車匿無狀  
 挑我兩目令孤盲冥車匿當知一切諸佛決報父母  
 尚捨親近況我賤室妓女樂乎毒哉恩愛何一速疾  
 不能久存須臾聞耳恍惚不現猶如聚沫思想所縛  
 壇衆見網雖依人間奄不知處本曾說是現行不真  
 安須臾間苦多無量所願使果早成佛道王勸俱夷  
 人生有終合會有離四時忽變天地日月皆不常存

太子初生天地爲動隨行七步口自宣言天上世間  
我最爲尊當度三界生老病死令至無爲天帝來下  
稽首供養四王接身置金几上九龍浴體未生之時  
豫現瑞應三十有二阿夷相之若在家者爲轉輪王  
捨家爲佛所知博達力勢無限三界特尊無不稽顙  
必當成佛度脫十方來還不久且自寬思勿復愁憂  
王雖說是心中隔塞悲哀難言於時車匿見王俱夷  
所說辛苦益悲流淚沾沾衣裳諫言善哉俱夷願聽  
我言勿得復悲我於中夜見一城中男女大小悉淳  
眠寐百福至聖與我談語欲使被馬適聞其言心中

隔塞遙視尊妃極淳眠寐稱揚大音而舉聲呼速起  
速起聖尊欲去天接音聲令沒不聞舉脚踏地拍手  
撾鼓無聞聲者爾時虛空日月光光無數億千釋梵  
四天諸大尊神稽首爲禮又手自歸供養至尊諸鬼  
神龍閱又捷沓和魑魅害鬼其四天王神足勑鬼捧  
舉馬足散青蓮華芙蓉茲華清淨無垢聖百福相威  
光巍巍雨諸天華地六反震動華徧佛國但聞天言  
促開門促開門門自然開無數億天前後圍達咸共  
供養不自覺身忽已過去世護所說兄弟妻子諸天  
部黨上及天王志好所趣令歸佛道不念衆惡默然

不言以能咨歎菩薩大德健陟有力施暢音聲天護  
 輕響健陟負載世之大聖速疾勿動無有恐怖惡趣  
 之難世護乘汝一心懼喜捨畜生身不毀尊師導師  
 光明爲一切故汝必得度勿得展轉在危厄處百千  
 億天宛轉足下見健陟馬在於虛空乘負菩薩嚴治  
 塗路極好無限作寶欄楯若干品事燒天名香健陟  
 本福忉利諸天圍旋太子在邊天樂自娛俱夷勿愁  
 安心欣然覩之不久人中之上當成佛道諸天圍遶  
 於夜所造皆應道法今勿復悲百福威耀超絕群衆  
 察是歡喜不當懷憂夙夜七日歎其功勲不能究竟  
 尊人出時諸天供進不可盡極妃今利義不可稱載  
 曾奉事斯光顯至真聖於是移成無極道念妃不久  
 亦當復成人中之上王念菩薩不捨心懷適欲請還  
 念阿夷相之在家爲轉輪聖王七寶自然主四天下  
 千子勇猛若復出家學道必成正覺無上大聖以七  
 覺意寶訓化十方三界愚冥寤諸不覺必不肯還當  
 遣侍衛供養護之普召大臣諸明智衆卿等在家長  
 子抱孫共相娛樂不念吾憂吾有一子竒相聖達無  
 不超異居四天下一旦離別入名山谷絕無人處苦  
 厥寒暑飢渴窮厄無能知者擇取卿等大臣子弟五

人追而侍之若中來還滅汝五族卽奉王教入山求  
侍之菩薩遂進深入名山五人追之不能及逮心自  
念言是爲逸人行不擇路何道之有也若欲還歸必  
滅我種不如住此五人所止甘果美泉悉具滋茂樹  
木豐盛悉無所乏菩薩捨國威聖無限心自念言欲  
作沙門志存寂靜威儀禮節遊行至山水邊定止天  
王知心飛天奉刀來帝釋受髮則成沙門肉髻在處  
不知菩薩嚴飾衣服第一顯現手執應器思惟無念  
入羅閱祇欲行分衛容色光光猶紫金耀巨身丈六  
相三十二萬民咸來觀之面像目視無厭所行周旋  
衆隨逐之往古以來未曾見聞如是聖達至真神人  
光耀普照天人興念思其本末布施餚饍不知菩薩  
不慕居家若干品業衆人唯察人中之尊與天下異  
往告洴沙王大王欣慶今獲善利梵天自下詣國分  
衛或復言曰是天帝釋或復說是焰天王或言兜術  
天無憍樂天化自在天王或復說是日月王維摩神  
主王聞是言歡喜無量卽遣使者觀於菩薩何所至  
湊無供養者不得分衛卽便出城使者追察坐山水  
邊威神吉祥如紫金山使者尋還啓洴沙曰坐山水  
邊時王聞之勅外嚴駕與諸群臣詣山水邊遙見菩

經

寶華山

十一

薩威神光光踰於日明尋便下車恭恪又手稽首禮足觀菩薩形猶如須彌結跏趺坐加敬歸命遜辭下意而與言談王曰太子生多奇異形相炳著德踰乾坤當王四天下爲轉輪王四海顚顚異神寶至何棄天位自放山藪假令太子不樂本國願以鄙邦貢上處焉訓誨黎庶各使得所五樂自娛唯當納受不拒至懷菩薩答曰吾久達此一切無常棄天地位無可慕樂是故出家行作沙門觀諸幼少皆歸老耄顏色殞落面皺皮緩國土財寶一切如化情欲多難猶如雜毒墮入地獄餓鬼畜生智者所惡愚者所貪吾除貪欲如棄涕唾身如樹果不久則墮亦如浮雲須臾則滅微不覺之忽然已過有毀懷憂不得久安夫人樂欲以自燒身貪欲無厭若飲鹹水從致苦患愚人不解自以爲樂明智觀察欲如聚沫聖賢無漏唯樂法念充於智慧乃厭愛欲貪習俗者不見本際不了本淨王觀此身無有堅固所至到處常自迷惑不能分別身無吾我棄捐百千玉女心無所著不慕世榮第一思惟欲成佛道希有好德如好色者唯有聖達視色如糞察道真實雖有父母君子梵志長者居士及與妻息身有重疾不能分取令無苦患國土位高

0 1 2 3 4 5 6 7 8 9 210 1 2 3 4 5 6 7 8 9 210 1 2 3 4 5 6 7 8 9

金銀七寶何益於已日照天下不益盲者吾觀三界  
 一切無常樂少苦多身非我有世間猶寄難可久居  
 吾見若茲是故出家而爲比丘不慕世榮迦維衛者  
 邦土第一轉輪王處也風雨順時萬民滋茂最和安  
 懿吾不慕樂捨家爲道王曰善哉我得善利乃見至  
 聖吾志於俗不識至義國欲相請於無欲人假使得  
 佛唯見愍念以爲法王當見度脫我遇十力宿有餘  
 慶得觀大聖投身自歸禮菩薩足右達三市與群臣  
 俱嚴駕還國

## 普曜經卷第四

### 音釋

<b>呻</b>	失人切呻	<b>𠙴</b>	力主切𠙴	<b>駛</b>	踈士切駛	<b>昇</b>	羊朱切昇
	吟歎聲也	<b>𠙴</b>	𠙴也	<b>駛</b>	疾也	<b>昇</b>	對舉也
	切口	<b>鷄鵠</b>	鷄古肴切鵠子	<b>髓</b>	息委切髓	<b>涎</b>	連
	液也		盈切鷄鵠鳥名	<b>髓</b>	中脂也		
	醴落侯切	<b>觸</b>	觸房切	<b>觸</b>	觸體觸走		
<b>戻</b>	髑首骨也	<b>肪</b>	肪胅也	<b>肺</b>	芳吠切肺	<b>腎</b>	時恐切腎
	屎詩止切	<b>鼓</b>	五巧切鼓		金藏也	<b>腎</b>	水藏也
	屎奴爭切	<b>攬</b>	蕭也	<b>肺</b>	遠切肺		
	屎詩止切	<b>挽</b>	牽拽也	<b>肺</b>	羊側切肺		
	屎詩止切	<b>𢚩</b>	拖也	<b>肺</b>	神紙切肺		
<b>突咤</b>	莫結切突咤	<b>坏</b>	普杯切坏	<b>𦥑</b>	燒陶器也	<b>突</b>	切觸也
突咤沒切							
突咤沒切							
<b>暱</b>	莫報切暱	<b>𦥑</b>	陟爪切𦥑	<b>𦥑</b>	都禪切𦥑		
魚容切							
<b>老</b>	老也	<b>𦥑</b>	擊也	<b>𦥑</b>	切𦥑也		

0

1 2 3 4 5 6 7 8 9

210

1 2 3 4 5 6 7 8 9

210

1 2 3 4 5 6 7 8 9

福建興泉道參政烏程沈演施貴刻  
普曜經第四卷 計字九千九百一十四箇該  
銀四兩九錢六分  
武林釋大能對長洲徐普書漂水芮一鶴刻  
萬曆己酉歲秋七月徑山寂照庵識



也早

0 1 2 3 4 5 6 7 8 9 20 1 2 3 4 5 6 7 8 9 20 1 2 3 4 5 6 7 8 9 20

上、其一